

# XANA I MANI

## MELKISEDEK LOYI?



A hi korhamiseni tinhloko ta hina hi ta khongela.

Tatana wa le Matilweni loyi a rhandzekaka, ha ri twa risimu leri ra ku *Pfumela Ntsena*, ri hi endla leswaku hi tiva leswaku hinkwaswo leswi hi fanelaka ku swi endla i ku dya ndzhaka ya switshembhiso hinkwaswo swa Xikwembu, ntsena hi ku swi pfumela. Hikuva ku tsariwile leswaku, “Hinkwaswo swa koteka eka vona lava wa pfumelaka.” Tani hiloko hi rila, tani hi wanuna loyi a ri na n’wana loyi a ri na switshetshela, “Hosi, ndza pfumela! Ndzi pfuni Wena eka ku pfumala ripfumelo ka mina.”

<sup>2</sup> Ha Ku khensa hikwalaho ka matimba ya Wena lamakulu, nhlavutelo wa Wena lowukulu lowu wu nga wa wena hi Wexe eka masiku lawa yo hetelela. Wu endla leswaku timbilu ta hina hakanyingi ti tsaka ni kuva na ntsaku lowukulu, hi ku tiva leswaku hi tile eka ku tihlanganisa na Xikwembu lexi xi hanyaka; Lexi xi swi tiyisisaka endzhaku hikuva swi vonakala, hi vumbhoni lebyi byi khomekaka, tani hilaha Xi swi endleke eka masiku lawa ya nga hundza, nakona tani hilaha Xi tshembhiseke eka siku leri. Hi khensa ngopfu ha Wena, Xikwembu xa hina. Eka siku leri ra munyama laha un’wana na un’wana swi ti kombaka a nga yi tivi ndlela leyi a fanelaka ku famba ha yona, hi tsakile hikuva hi kumile zoni ya vuhlayiseki, ku nga vunakulobye.

<sup>3</sup> Sweswi hi katekisi vusiku lebyi, Hosi, tani hilaha hi vulavulaka hi Rito ra Wena. Na switshembhiso leswi hi nga nyikiwa swona, leswaku hi nga swi kurisa etimbilwini ta hina, hi khomelela eka swona hi xichavo, na ku swi yingisela hi ku tshinyiwa hi vukhongeri bya ntiyiso. Ha swikombela hi Vito ra Yesu. Amen.

<sup>4</sup> [Un’wana a vulavula na Makwerhu Branham—Muhleri.] Ku nyikela ka rirhandzu? A va nga fanelanga. A va fanele va nga swi endlanga sweswo. I mani a nga swi endla sweswo? U na nandzu? A ndzi ri na mininjere. A vula leswaku u teke minyikelo ya rirhandzu ya mina. A fanele a nga swi endlanga sweswo. Ndza swi amukela, Xikwembu xa swi tiva sweswo, kambe a ndzi—ndzi kalanga ndzi tela swona sweswo. Ndza ku khensa. Hosi a yi ku katekisi. Ndzi ta endla hinkwaswo leswi ndzi nga swikotaka. Ndzi ta wu nghenisa eka timixini ta matiko ya le handle, swingaleswi ndza switiva leswaku wu ta fambela Mfumo wa Xikwembu. Nakona loko Hosi yi swi rhandza, ndzi ta wu teka, hi vumina, wu ya ematikweni, ku yisa Evhangelile leyi

mi nga yi tshamela, mi nga yi yingisela vhiki leri, swingaleswi ndza switiva leswaku swi ta endliwa hi ndlela leyi mi nga ta Yi pfumela. Hosi a yi ndzi pfuni ku swi endla.

<sup>5</sup> Ndzi khensa ngopfu hi nambara leyikulu leyi a yi ta vhiki leri, na n'wina vanhu hinkwenu lava mi nga khweketiwa vusiku lebyi nakambe eka—eka tiwayere ta tiqhingho. Kutani hi khensa ngopfu eka un'wana na un'wana wa n'wina.

<sup>6</sup> Billy u teri eka mina mixo lowu, u teri, “Papa, loko a wu lo ta na mina mixo lowu, ka hari mpundzu, loko ra ha ku xa, u ta yima ku rhendzeleka hi tindhawu leti kutani u vona vamanana loko va mamisa vana va vona emimovheni, lava va nga vanhu lava va nga swela va tshamile empfuleni ya leyo, va rindzerile minyangwa leswaku yi pfuriwa!” Ma swi vona leswaku a ndzi tava ndzi ri mutikukumuxi wa njhani loko a ndzi mi byele swin'wana handle ka Ntiyiso? Hakunene a ndzi tava ndzi ri munhu wa xiyutha. Nkarhi wun'wana ndza boheka ku kandziya xikunwani xale makumu, kambe a swi yi hiku ndzi swilavisa xiswona, swi hikokwalaho ka . . . A hi mina loyi a kandziyaka xikunwana xa le makumu. I Ntiyiso lowu wu kandziyaka. Kutani mina—mina . . . Ndzi pfumela leswaku hi xona xivangelo lexi xi nga endla leswaku mi ta, hikuwa ndzi file hi ku tshembheka na n'wina, ni ku endla hinkwaswo leswi ndzi nga swikotaka ku mi pfuna. Hosi a yi pfuni un'wana na un'wana wa n'wina.

<sup>7</sup> Kambe sweswi ndzi lava ku khensa vanhu eka ntirhisano wa vona wa kahle, vanhu va doroba lahawani, na vona, lava va hi nyikeke, va hi pfumeleleke leswaku hi hayara yindlu leyi ya xikolo, odithoriyamu leyi na leyi yo jimela kona. Nakona ndzi lava ku mi khensa n'wina vachaviseki loko mi ri kona lahawani. Nakambe ndzi lava ku khensa Thurston Colvin, laha ku nga loyi a nga toloveleka lahawani, eka ku tirhisana kahle na yena kuva a hi pfuna kuva hi wu kuma muako lowu niku tlhela a va na hina vusiku byin'wana na byin'wana.

<sup>8</sup> Hi khensa na n'wina matimba ya xiphorisa ya Jeffersonville kuva mi tile haleno ku ta rindza, hi mali ya le hansi swinene. Ndzi ehleketa leswaku i tidolara timbirhi hi awara, leswaku maphorisa ya vekiwa lahawani eka ntirho lowu wa nkoka, ku ta paka mimovha, ku vona leswaku a ku na . . . a ku humeleli nchumu, kutani hinkwaswo swi kahle. Hi khensa swinene eka vanhu ha sweswo. Na le ka—ka, nakambe, muijn'hiniyara lahawani eka—eka bodo, ndzi n'wi lemukile. Na hinkwaswo leswi swi fambisanaka na swona leswi, hakunene ha swi khensa leswi.

<sup>9</sup> Ndzi khensa un'wana na un'wana wa n'wina hikwalaho ka tinyiko. Ntsena Billy u ndzi tisele tona, ndzhengha lowu, nyi—nyi nyiko, totala ta tona, na mabokisi, ya swiwintsi, na kuya emahlweni. Kutani yin'wana ya tona i—i Minkateko ya le henhla, na xifaniso xa Kreste laha a nga tirha eka—eka yona, Nchumayelo eNtshaveni. Kutani hakunene a wu sasekile.

Ndza mi khensa hakunene. Na swotala, a ndzi switivi leswaku ndzi nga mi khensa njhani. Kutani, nakambe, kuva—kuva miseketela hi swa timali, mi pfuna nhlengeletano hi mali, hakunene ha swi khensa, hi timbilu ta hina hinkwato. Hosi a yi katekisi un'wana na un'wana wa n'wina, hi rifuwo.

<sup>10</sup> Billy u teri, ku na vanhu votala, leswaku a mi ri eku kombeleni ka nkonaniso wa le xihundleni hi nkarhi walowo. Kutani swotala va komberile nakona va na swihlangi leswi va lavaka leswaku swi katekisiwa. Oho, ndzi swi rhandza njhani ku swi endla sweswo!

Kambe, ma swi vona, loko ndzi ta eka lowu nkarhi, swi va swi ri swa xihatla. Ndzi fanele ku tshama ndzi ri kahle, nkarhi hinkwawo, eka ku hlaya, ka Rito leri na xikhongelo, hi xikweleti xa ku tisa Mahungu lawa. Wa vona, a ya tano. . . Ya—ya tlula naku toloveleka eka hina, hikuva i ku kuma ku rhandza ka Xikwembu niku vulavula swilo. Ni hinkwaswo leswi swi nga ta hlangana kun'we, na ku vutisa Xikwembu leswaku hi yihi leyi yi faneriwaka hi ku pfuriwa.

<sup>11</sup> Sweswi, hi ku rhandza ka Hosi, hi ta tlhela hi vuya ku ngari khale, loko hi tava hi kumile siku. Ndzi e—e ndlile nyanyuko, kumbe—kumbe ku vula swin'wana hi Paseka. Swa antswa ndzi swi languta sweswo, hikuva ndzi ehleketa leswaku ndzi na xedulu eCalifornia ya nkarhi walowo. Leswaku swi nga hoxisi. Hambi swi ri tano, loko hi tlhelela nakambe etabernakeleni, hi ta mi rhumela khadi, na kereke, ni—ni ku mi—mi nyika siku na nkarhi. Kutani ndzi ta, nkarhi wun'wana hi nkarhi walowo, nakambe. . .

<sup>12</sup> A ndzi kalanga ndzi veka nkarhi wo khongelela vavabyi. A hi kalanga hi va na nhlengeletano na yin'we leyi hi nga vitana vanhu leswaku hi tava khongelela. A hi va rhumela ehandle. Nakona vamakwerhu va hina lahawani a va ri eku chumayeleni, Makwerhu Lee Vayle na Makwerhu. . . Vamakwerhu lava van'wana lava a va ri eku chumayeleni, niku khongelela vavabyi, vatlhela va endla nkhuvo wa mati, va khuvula, kumbexani, ni kuva va ndzi pfumelela ku tshama ndzi ri ndzexe na Rito. Ha va khensa vavanuna lava. Va tirhile ntirho wa kahle swinene.

<sup>13</sup> Kuna vanghana votala lahawani lava ndzi tsakelaka ku hlangana na vona. Loko ndzi languta ndzi vona John na Earl. Nakona ku na Doctor Lee Vayle, un'wana wa mininjhere wa mpfumba. Makwerhu Roy Borders. Na vona vavanuna, a ndzi kalanga hambu kuri. . . A ndzi tlhavulanga hambu kuri ku tlhavulana mavoko ya vona. A ndzi na nkarhi wo swi endla. Ndzi ehleketa hi vanghana va mina a Kentucky, naku rhendzeleka lahawani, na vanghana va mina va tiministara, hilaha ndzi tsakelaka ku va tlhavula mavoko! Makwerhu Blair, ndzi n'wi lemukile siku rin'wana lahawani. Kutani na votala

va vavanuna lava lava ndzi—ndzi va rhandzaka, nakona va vile eka tinhlengeletano to hlaya, kutani na vona a ndzi se tshama ndzi va tlhavula mavoko. Ndzi—ndzi le ku ringeteni. . . A swi yi hi ku noka ni nga swilavi ku swi endla sweswo; swi hikuva a ndzi na nkarhi wo swi endla, nakona swa antswa ni hatlisa.

<sup>14</sup> Ndzi katekisa vana, hakunene. N'wana loyi a nga wa mina, xitukulwana xa mina a xi fanele xi katekisiwa eka nhlengeletano leyi. A ndzi na nkarhi wo swi endla; David lontsongo. Ndzi kokwana wa yena, i swimbirhi sweswi. Swingaleswi, Nkul. May, loko a ri kona vusiku lebyi, loyi a ndzi nyikaka nkharisa walowo, swi tikomba ndzi ya eku wu tirhiseni ku ngari khale.

<sup>15</sup> Swingaleswi, kutani ndzi byerile Billy, ndzi ku, “Bibele yi vula leswaku ‘tswalanani mi tata misava,’ kambe ndhwalo hinkwawo a wu nyikiwanga wena.” Nakona switukulwana leswi swi humelela hi ku hatlisa.

Kutani swingaleswi, tsundzukani, n'wingi wa mina a ri mhika, ku sungula hi swona. A ri hava na n'wana na un'we. Kutani siku rin'wana, loko hi huma enhlengetanwini, Hosi yi vulavurile na mina yi ku, “Loyce, u ta tswala n'wana. Hosi yi ku katekisile. Ku xaniseka ka wena hi vusati ku sukile.” Paul lontsongo u tswariwile, endzhaku ka tinhweti ta nkaye.

<sup>16</sup> Tinhweti timbirhi loko n'wana loyi a nge si tswariwa, a ndzi tshamile, ndzi ri karhi ndzi dya swakudya swa na mixo emixweni wun'wana, a tafuleni, kutani Loyce na Billy a va tshamile eka tafula leri a ri hingakanya ra mina. Ndzi vonile Loyce a ri karhi a mamisa xihlangi lexintsongo a ri na xitshopani. . . kumbe xinkumbana xa wasi lexi a xi funengeteke hi xona. Kutani Billy a tshamile hi le khoneni, a ri karhi a dyisa Paul lontsongo. Ndzi ku, “Billy, ntsena ndzi vonile xivono. Loyce a ri eku mamiseni ka n'wana loyi a phutseriwile hi xinkumbani xa wasi.”

U teri, “Lahaya ku famba rendzo ra mina ro hlota. Sweswo ntsena swi humelerile tinhweti ta nkaye kusukela sweswi.”

Endzhaku ka tinhweti ta khume mbirhi, David lontsongo u tswariwile. Kutani a ndzi swi kotanga ku n'wi katekisa eka Hosi na sweswi, nakona a ndzi nge swikoti ku kondza hi tlhela nakambe. Swingaleswi ma swi vona leswaku swi njhani.

<sup>17</sup> Hilaha ndzi va rhandzaka ha kona vanhu na xinakulobye xa vona! Kambe vamakwerhu va hina a vari eku khongeleleni ka vavabyi, nakona ndza switiva leswaku i ku humelela. Vusiku byin'wana hi khongelerile vavabyi, un'wana a tlhandleka mavoko eka un'wana, hinkwerhu ka hina kun'we, laha hi ndlela ya leyo swi khomaka nkongomiso hinkwawo. Kambe kumbexani, loko Xikwembu xi swi rhandza. . . Ndzi ta swi fungha eka khadi, loko hi ri rhumela. Loko hi vuya, ndzi ta tsakela ku tinyikela kwalomu ka masiku mambirhi kumbe

manharhu, nakambe, ntsena hi khongelela vavabyi niku endla leswi hi nga swi kotaka hi maendlelo ya lawa. Sweswi, kutani ndzi khensa vanhu hikwalaho ka ku pfuna ka vona, nakambe.

<sup>18</sup> Ntsena sweswi ndzi lava ku vula swin'wana, ntsena xinkadyana, hi—hi Hungu ra na mixo. A swikanakanisi, a ndzi kalanga ndzi ri heta, kambe ndzi ehleketa leswaku ma switwisisa. Nakona ndzi na ntiyiso wa leswaku a mi. . . A mi nge switivi leswaku sweswo a swi ri swa mina ku swi endla.

<sup>19</sup> Sweswi, swi ti komba swi olova ngopfu eka n'wina. Kambe, n'wina, ma swi vona leswi mi swi endlaka xana? Mi le ku tekeni ka ndhawu ya Xikwembu, ku ta tivisa Swin'wana. Nakona ndzi nga se swi endla sweswo, swi fanele ku ta hi nhlamulo leyi yi humaka eka Xikwembu. Nakona Xi fanele ku xikela ehansi, nakona Xi tikombisile xi vonaka hi Xoxe, kutani xi nyika Nhlavutelo. Swingaleswi, wa vona, leswi i swa Kereke. Nakona tsundzukani, ndzi teri, “Leswi, leswi ndzi nga swivula, a swi ri swa Kereke ntsena.”

<sup>20</sup> Leswaku mi nga hava na ku tshembha mi tlhela mi tiva, xexo xa hari Xikwembu xin'we lexi xi ngeteri lahaya loko vamaxinjani va ngari kona. “Vulavula, kutani u vula laha swi nga tava swi ri kona.” Nakona ka nharhu swi humelerile hi ku kongoma. Sweswi, loko Xi nga swikota hi Rito rin'we leri ri nga endla leswaku xi tumbuluxa leswi swo ka swi ngariki kona swi va kona, Leswi swona ke swi nga khomelela ku fika kwihi hi Siku ra ku Avanyisa! Wa vona? Vanhu a vari kona ku ta vona swilo leswi, niku switiva. Tani hilaha Paul a ngeteri, eka masiku lawa ya nga hundza. A ku ri na vavanuna na yena, lava—lava va nga twa ku ninginika ka misava; nakona a va kalanga va ri twa rito, kambe va—va vone Langavi ra—ra Ndzilo.

<sup>21</sup> Ri ndzi endlele swa kahle, hambu loko, endzhaku kaloko swi tava swi herile; ku vona vavanuna na vasati, lava ndzi va tivaka leswaku i Vakreste va xiviri, va vukarhana va tlhela va rila.

<sup>22</sup> Kutani yingiselani, vanghana, Xikwembu xi tiyisisa Rito ra Xona hi masingita na switiyisiso, ku khorwisa leswaku Ri ntiyiso, ri nga Rito leri ri nga vuriwa. Sweswi tsundzukani, Layiti liya a yi ri eka Papa lero, leri ri nga tisa Nhlavutelo. A ndzi ri. . .

Xinhwenyetana xa mina a xi ri eku ndzi byeleni, Sarah lahawani, leswaku loko vona. . . Xikolo xexo xi nga lahaya a Arizona a xi langutile ehenhla lahaya eka xibakabaka lexi a xi ri hava mapapa, kutani va vona Papa leri ra xihundla eka ntshava ya leyo, ri ya ehenhla nale hansi, ri ri na muhlovohlovo wa Ndzilo wu pfurhaka eka Rona. Mudyondzisi u tshuxile tlilasi na xikolo, kutani a va tisa emahlweni, a fika a ku, “Mi tshame mi vona swin'wana swo kotisa sweswo xana? Langutani hi laha swi nga xiswona lahaya.”

Tsundzukani, leswaku ra hari Layiti yin'we ya muhlovohlovo leri a ri ri a ribyeni. Swingaleswi xa hari

Xikwembu xin'we, Nhlavutelo wun'we, xi ku, "Va byeke ku endla *leswi*." Hi leswi ndzi nga mi byela mixo lowu, swingaleswi hi Leriya ri kona.

<sup>23</sup> Loko swi humelerisa xisweswo munghana wa mina wa kahle, Makwerhu Roy Roberson, u le ku yingiseleni a ri eTucson. Roy, wa swi tsundzuka, siku rin'wana, xivono lexi hi nga xi vona loko ha ha humile hi yimile entshaveni? U tile eka mina, nakona Papa lero a ri ri ehenhla? Ri xika ri famba ehansi, wa swi tiva leswi Xi nga ku byela swona xana; nakona ndzi ku byerile hi ri eka yindlu ya liya, siku rin'wana? Hi swona sweswo, Roy. Leswaku u nga ha vileli nakambe, jaha. Swi herile.

<sup>24</sup> Ntsena a wu nga switivi leswaku sweswo swi vula yini! I tintswalo. Xa ku rhandza. Na wena wa Xi rhandza, hi ku titsongahata Xi tirheli u Xi gandzela hi masiku ya wena hinkwawo. Tsaka, yana emahlweni u hanyisa leswi u hanyisaka xiswona. Loko u tsakile, yana emahlweni hi ndlela ya leyo. U nga ha endli nchumu lexi xi nga hoxeka nakambe, tani hi sweswo. Ntsena yana emahlweni. I tintswalo ta Xikwembu.

<sup>25</sup> Sweswi ndzi lava ku khongela nakambe hi nga se nghena eRitweni. I vangani lava va nga ta ndzi khongelela? Ntsena ndzi ya eka nhlengeletano yin'wana endzhaku ka yin'wana. Mi ta khongela xana?

Ma swi tiva, ndzi lava ku mi yimbelelela nyana xinsin'wana, hinkwerhu ka hina, hi nga siya eRitweni. Ntsena ku... swingaleswi hi ta tiva Xikwembu... Ntsena ku nyikela loku ntsongo. Mi tshame mi xi twa xinsin'wana lexi xa leswaku, *Wa Ku Hlayisa?* "Edyambyini nale maxangwini, Wa mi hlayisa."

<sup>26</sup> Manana lontsongo u ta eka piyano. Ndzi ri, ndzi lava ku n'wi khensa manana loyi lontsongo, na yena. A ndzi n'wi tiva hambi kuri ku n'wi tiva leswaku hi yena mani. Hi un'wana wa vana va mudiyakoni loyi a nga lahawani. Hakunene ndzi... I xinhwenyetani xa Makwerhu Wheeler. U kurile sweswi. A ri lontsongo swinene loko ndzi ta n'wi tlakula a tshamisa emilengeni ya mina, ku ngari khale ngopfu, kutani sweswi i wansati lontsongo. Swingaleswi ndza n'wi khensa loko a tirhisa nyiko ya yena eka swa vunanga, kutani sweswi u chaya ku nandzika. Xana u nga hi sumela, sesi? Hinkwerhu ka hina sweswi.

Wa ku hlayisa,  
 Wa ku hlayisa;  
 Edyambyini kumbe endzhutini,  
 Wa ku hlayisa.

Ma swi rhandza sweswo xana? A hi ri yimbeleleni nakambe, hi ri kun'we.

Wa ku hlayisa,  
 Wa ku hlayisa;  
 Edyambyini kumbe endzhutini,  
 Wa ku hlayisa.

Makwerhu Dauch, Wa ku endlela na wena, nakambe, makwerhu. A mi N'wi rhandzi xana? [Nhlengeletano yi ku, "Amen."—Muhleri.]

A hi korhamiseni tinhloko ta hina sweswi.

<sup>27</sup> Eka Xikwembu lexi rhandzekaka xa Tintswalo, na tintsoi nyana tintsongo leti ti nga lahawani ta swintsongo leswi ndzi lavaka ku swivula evanhwini, niku tlhelela endzhaku nakambe eka ku kongomisa ka ni mixo, eka leswi vanhu va telaka ku ta yingisela swona. Ndza khongela, Xikwembu, leswaku U ta pfumelela vanhu leswaku va swi vona leswaku Xikwembu xa rhandza xi tlhela xi hlayisa. Nakona a ku ngari mina loyi a swi nyika Sweswo, Hosi, switiyisisiwile leswaku sweswo i Ntiyiso. Swingaleswi ndza khongela, Xikwembu lexi Rhandzekaka, leswaku rirhandzu ra Wena ri ta tama ra hari exikarhini ka vanhu. Vusiku lebyi, hi ta hambanana endzhaku ka nhlengeletano leyi hi ya emakaya lawa ya hambaneke, swi—swi hi muxaka wa ku hi humesela, kun'wana, ko enta, Hosi. Ndza khongela leswaku U ta katekisa vanhu lava.

<sup>28</sup> Sweswi tani hiloko hi tshunelela Rito, hi xikhongelo, ku tshinelela Rito leri ri nga tsariwa, ha kombela leswaku U ta teka Rito leri ri nga tsariwa u ri endla leri Ri hanyaka eka hina vusiku lebyi. Kutani loko hi sukela muako lowu vusiku lebyi leswaku hi hambanana hi ya emakaya ya hina lawa ya hambaneke, leswaku hi nga ha vula tani hi lava a va huma eEmmaus, lava va nga famba na Yena siku hinkwaro hambu swi ri tano va nga N'wi tivi; kambe loko A ta nghena a va kuma ekamareni vusiku byebyo, nakona mavanti hinkwawo a ya pfariwile, U endlile swin'wana leswi swi kotisaka leswi A nga swi endla ku nga se fika ku vambiwa ka Yena. Ha sweswo, va switivile leswaku U pfukile nakambe.

Swi endlile nakambe vusiku lebyi, Hosi. Hi nyike swona, loko mavanti ya ha pfariwile, nakona xintlawani xa Wena lexi nga lahawani xi tshamile, xi rindzela. Nakona, Tatana, loko hi ya emakaya ya hina, hi ta vula tani hilaha va swi endleke, "Xana timbilu ta hina a tintshwanga endzeni ka hina loko A ha vulavula na hina endleleni!" Ha tiboha, hinkwerhu, emavokweni ya Wena, Hosi. Endla na hina leswi U swi vonaka swi hi ringanerile. Hi Vito ra Yesu. Amen.

<sup>29</sup> Sweswi a hi ngheneni hi kongoma eka xikhongelo sweswi, hi xihatla. Pfulani na mina sweswi, loko mi nga swikota, eka Buku ya Vaheveru, na le ka nhlavutelo wun'wana eka Hungu. Hi ta vulavula xinkadyana vusiku lebyi, hi ku rhandza ka Hosi. Kutani loko ha ha hlaya tivhese tinharhu to sungula



ta Vaheveru 7:1 ku fika eka 3, kutani hi vulavula ha swona. Nakona a hi switivi leswi Hosi yi nga ta swi endla; a hi switivi. Nchumu wun'we lowu hi wu tivaka i ku pfumela ntsena, hi languta, hi khongela. A hi swona sweswo? Ni ku pfumela leswaku "Yi ta endla hinkwaswo swi tirha kun'we swa kahle eka vona lava va N'wi rhandzaka," hikuva U swi tshembhisile.

*Hikuva Melkisedek yoloji, hosi ya Salem, muprista wa Xikwembu lexi nge henhla-henhla, yoloji a nga ya hlangana na Abraham siku a vuyaka eku hluleni ka tihosi, a va a n'wi katekisa;*

*Loyi kutani Abraham a nga n'wi pambulela vukhume bya xuma hinkwaxo; yoloji loko va hlamusela vito ra yena va nge Hosi ya ku lulama, va engeta va ku Hosi ya Salem, hi leswaku, Hosi ya ku rhula;*

A hi hlayeni ku yisa emahlweni nyana.

*La nga riki na tatana, hambu a ri manana, hambu ri ri rixaka, . . . a nga riki naku sungula ka masiku, hambu ma ri makumu ya ku hanyisa ka yena; kambe a ri la fanaka ni N'wana wa Xikwembu; a tshama a ri muprista hilaha ku nga heriki.*

<sup>30</sup> Ehleketani hi Munhu loyi lonkulu, hi laha vukulu bya Wanuna loyi byi nga ha kona! Kutani sweswi, xivutiso i ku, "I mani Wanuna loyi?" Vantivo-vukhongeri va na miehleketo yo hambana. Kambe kusukela eka ku pfuriwa ka Swilemo swa Nkombo, Buku ya swihundla leswi a swi ri swihundla eka hina . . . Ku ya hi Nhluvutelo 10:1 kufika eka 7, hinkwaswo swihundla leswi swi nga tsariwa eka Buku leyi, leswi a swi tumbetiwiwe eka nguva ya tirhifomasi, swi fanele ku fukuriwa swi vekiya erivaleni hi ntsumi ya kereke ya nguva yo hetelela. I vangani lava va swi tivaka leswaku sweswo i ntiyiso? [Nhlengeletano yi ku, "Amen."—Muhleri.] Hi swona sweswo, a swi fanele ku tisiwa. Swihundla hinkwaswo swa Buku ya swihundla swi fanele ku paluxiwa eka murhumiwa wa Laodekiya wa nguva ya leyo.

<sup>31</sup> Hi ku vona leswaku ku na dzolonga hi Munhu loyi na nhloko-mhaka leyi, ndzi ehleketa leswaku swa hi tungula ku nghena eka swona, ku kumisisa leswaku a ri Mani ya loyi. Sweswi, ku na swikolo swo hlaya swa mianakanyo ha Yena.

Xin'we xa swikolo hi leswi, swikoxaka, "Leswaku O va ntsena munhu wa salamusu. Kahle-kahle A ngari munhu no va munhu."

Kutani van'wana va ri, leswaku, "A ri un'wana wa vuprista. Ya loye a ri Melkisedek wa vuprista." Ya loye hi un'wana loyi a rhandziwa ngopfu, loyi va khomelelaka ku antswa eka tlhelo lero kutlula loko va swi endla eka un'wana, swi hikokwalaho ka kuva va vula leswaku i vuprista.



Swi ngaka swi ngavi tano, hikuva eka vhese ya vu4 Yi ri A ri Munhu, “Wanuna.” Swingaleswi, hi ku endlela leswaku a va Munhu, A fanele nakambe a va na vumunhu, “Wanuna.” Ku ngari xileriso; kambe Munhu! Swingaleswi ntsena A ngari eka xileriso xa vuprista, hambu kuri Wa salamusi. A ri Munhu.

<sup>32</sup> Nakona Munhu loyi a nga riki na Makumu. Loko mi nga xiysisisa, “A ngari na tatana. A ngari na manana. A nga kalanga a va na nkarhi A nga kalanga a sungula. Nakona A nga kalanga a va na nkarhi lowu A nga tshama a va na makumu.” Kutani hi Loyi a nga tshama a va kona wa ha hanya vusiku lebyi, hikuva Bibebe yi teri lahawani, leswaku, “A nga kalanga a va na tatana, hambu manana, masungulo ya masiku, kumbe ku hela ka vutomi.” Swingaleswi Xi fanele kuva Munhu loyi a nga ri na Makumu. A hi swona xana? [Nhlengeletano yi ku, “Amen.”—Muhleri.] Munhu loyi a nga riki na Makumu! Swingaleswi ku fanele kuva Munhu a ri un’we ntsena, yaloye i Xikwembu, hikuva hi Yena a ri Yexe loyi a nga riki na Makumu. Xikwembu!

<sup>33</sup> Sweswi, eka Timotiya wo Sungula 6:15 na 16, loko hi leswaku mi ta tsakela ku yi hlalaya nkarhi wun’wana, ndzi tsakela leswaku mi yi hlalaya.

Sweswi, nchumu lowu ndzi nga na mongo wa wona, hi leswaku, A ri Xikwembu, hikuva hi Yena Munhu a ri un’we loyi a nga hundzeka. Kutani sweswi, Xikwembu xa tincinca xona N’winyi xi tincinca eka Munhu; sweswo hi leswi a Xi ri xiswona, “A nga na tatana, a nga na manana, a nga na kusungula ka vutomi, a nga na makumu ya masiku.”

<sup>34</sup> Sweswi hi kuma eMatsalweni leswaku vanhu votala va dyondzisa, “vumunhu byi nharhu eka vukwembu bya Xikwembu.” Swingaleswi, u ngaka u ngavi na vumunhu u nga ri munhu. Swi lava munhu leswaku a va na vumunhu.

Muministara wa Baptist, eka mavhiki mantsongo lawa ya nga hundza, u tile, endlwini ya mina, a fika a ku, “Ndzi lava ku ku tiyisa eka vukwembu bya Xikwembu nkarhi wun’wana loko u kuma nkarhi.” U ndzi vitanile, kumbexani.

<sup>35</sup> Ndzi ku, “Ndzi na wona nkarhi sweswi, hikuva ndzi lava ku luluma, kutani hi veka etlhelho hinkwaswo, ku swi endla.”

Hiloko a ta, a ku, “Makwerhu Branham, u dyondzisa leswaku ku na Xikwembu xin’we ntsena.”

Ndzi ku, “Ina, nkulukumba.”

A ku, “Kunene,” a ku, “Ndzi pfumela leswaku kuna Xikwembu xin’we, kambe Xikwembu xin’we eka Vanhu vanharhu.”

Ndzi ku, “Vakulukumba, swi engeteni kambe sweswo.”

A ku, “Xikwembu xin’we, eka Vanhu vanharhu.”

<sup>36</sup> Ndzi ku, “Xana hi xihhi xikolo lexi u ngaya eka xona?” Wa vona? Kutani yena u—u ndzi byerile kholeji ya Bibe. Ndzi ku, “Ndzi nga ha swi pfumela sweswo. U ngaka u ngavi munhu u ngari na vumunhu. Nakona loko u ri na vumunhu, u vumunhu byin’we eka vuwena. U avanile, xivumbiwa lexi xi nga xin’we.”

Hiloko a ku, “Kunene, vantivo-vukhongeri va ngaka va nga swi hlamuseli sweswo.”

Ndzi ku, “Swi ya hi nhlavutelo.”

Hiloko a ku, “Ndzi ngaka ndzi ngayi amukeli nhlavutelo.”

<sup>37</sup> Ndzi ku, “Swingaleswi a kuna ndlela yin’wana eka Xikwembu ya kuva xi mifikelela, hikuva, ‘Swi tumbetiwile eka mahlo ya lavo tlhariha na mano, kutani swi paluxeriwela vana,’ swi paluxiwile, nhlavutelo, ‘wu paluxeriwela vana lava va nga ta swi amukela, va dyondza.’” Hiloko ndzi ku, “A ku na ndlela yin’wana eka Xikwembu ya kuva xi mi fikelela; hi n’wina mi ti susaka eka ku titshuneta eka Xona.”

Bibe hinkwayo i nhlavutelo wa Xikwembu. Kereke hinkwayo yi akiwile ehenhleri ka nhlavutelo wa Xikwembu. A kuna ndlela yin’wana yo tiva Xikwembu, ntsena hi nhlavutelo. “Laha N’wana a nga ta Xi paluxa.” Nhlavutelo; hinkwaswo i nhlavutelo. Swingaleswi, ku amu-... Ku nga ri ku amukela nhlavutelo, ntsena wo va wa ntivo-vukhongeri loyi a titimelaka, na kona a ka hari naku tshembhela eka wena.

<sup>38</sup> Sweswi, sweswi, hi kuma leswaku Munhu loyi “a nga na tatana, a nga na manana, a nga na masungulo ya masiku kumbe ku hela ka vutomi.” A ri Xikwembu, *en morphe*.

Sweswi, misava, rito ri tile, rito ra Xigriki, swivulaka, “ku ncinca,” ri tirhisiwile. Xa ti ncinca hi Vuxona, *en morphe*, kusuka eka Munhu un’wana ku ya. . . Munhu a ri Un’we; rito ra Xigriki leri ri nga lahaya, *en morphe*, swivula. . . Ri tekiwile ri suka eka ntlangu wa le xitejini, laha munhu un’we a ncincaka maska ya yena, ku n’wi endla ximunhuhatwa xin’wana.

<sup>39</sup> Tani hi—hi le xikolweni, ntsena sweswi nyana, ndza pfumela, Rebekah, ntsena loko a nge se ambala gaweni, a vari na ntlangu wun’wana wa Shakespeare. Kutani munhu un’we lontsongo a fanele a tincinca swiambalo swa yena minkarhi yo hlava, hikuva u tlanga swiyenge swimbirhi kumbe swinharhu; kambe, ka hari munhu un’we. U tile, nkarhi wun’wana, a ri mbabva; kutani loko a ta nkarhi lowu landzelaka, a ri ximunhuhatwa xin’wana. Kutani sweswi rito ra Xigriki, *en morphe*, ri vula leswaku u “tincinca maska ya yena.”

<sup>40</sup> Kutani sweswo hi leswi Xikwembu xi nga swi endla. Xa ha ri Xikwembu xin’we nkarhi hinkwawo. Xikwembu eka xivumbeko xa Tatana, xa—xa Moya, xa Langavi ra Ndzilo. Xikwembu xin’we lexi xi nga tiendla nyama xi tshama exikarhini ka hina, *en morphe*, xi tihumesile leswaku Xi nga

ha voniwa. Nakona sweswi Xikwembu xexo xi Moya lowo Kwetsima. Tatana, N'wana, Kwetsima...a hi Swikwembu swinharhu; tihofisi tinharhu, maendlelo manharhu ya Xikwembu xin'we.

<sup>41</sup> Biblele yi teri, “Ku na Xikwembu xin'we ntsena,” ku ngari swinharhu. Kambe sweswo hi leswi va nga swi kumeki...A wu nge swikumi leswi swi tiyisisiwile ku tlhela kuva na Swikwembu swinharhu. U ngaka u nga n'wi xaviseli Muyuda sweswo. Ndzi ta ku byela leswaku. Hi un'wana loyi a tivaka ku antswa, wa switiva leswaku ko va na Xikwembu xin'we ntsena.

<sup>42</sup> Xiyisisani, tani hi xivatliwa, wa xitumbeta, hi maska eka—eka xona. Sweswo hi leswi Xikwembu xi nga swi endla eka nguva leyi. Xi ti tumbetile. Hinkwaswo swilo leswi swi tumbetiwile, nakona swi fanele ku paluxiwa eka nguva leyi. Sweswi, Biblele yi vule leswaku swi ta paluxiwa eminkarhini ya le makumu. Swi kotisa muvatli loko a hlayisa xiphemu xa—xa ntirho wa yena xi va xi funengetiwile hinkwaxo ku fikela laha a susaka maska eka xona kutani xi va lahaya.

Kutani sweswo hi leswi Biblele a yi ri tano. A kuri ntirho wa Xikwembu lowu wu funengetiweke. Nakona Yi tumbetiwile kusukela emasunguleni ya misava, nakona Yi swihundla swa nkombo leswi nga tumbela. Nakona Xikwembu xi tshembhisile eka siku leri, eka nguva ya kereke ya Laodekiya leyi, Xi nga ha susa maska eka nchumu hinkwawo leswaku hi kota ku Ri vona. I nchumu lowu wu kwetsimaka njhani!

<sup>43</sup> Xikwembu, *en morphe*, xi ti maske eka Langavi ra Ndzilo. Xikwembu, *en morphe*, endzeni ka Wanuna loyi a vitaniwaka Yesu. Xikwembu, *en morphe*, endzeni ka Kereke ya Xona. Xikwembu lexi xi nga ehenhla ka hina, Xikwembu lexi xi nga na hina, Xikwembu lexi xi nga endzeni ka hina; ku ti pfumelelela ka Xikwembu.

Ehenhla Lahaya, ka kwetsima, ku hava loyi a nga Xi khumbhaka, Xi tshamisile ehenhla ka ntshava; hambu xiharhi loko xi nga khumbha ntshava, a xi fanele ku fa.

Kutani Xikwembu xi xikela ehansi xi fika xi ncinca tende ra Xona, kutani xi ehlela ehansi xi ta hanya na hina, xi va un'wana wa hina. “Kutani hi Xi khomile,” Biblele yi ri. Timotiya wo Sungula 3:16, “Kunene xihundla xa vukhongeri hi lexikulu; Xikwembu xi tivonakarisisile enyameni, xi khomiwa hi mavoko.” Xikwembu xi dya nyama. Xikwembu xi nwa mati. Xikwembu xi etlela. Xikwembu xi ririle. A xi ri un'wana wa hina. Xifananiso xo saseka, xi fananisiwile eBibeleni!

Leswaku i Xikwembu lexi xi nga ehenhla ka hina; Xikwembu lexi xi nga na hina; sweswi i Xikwembu endzeni ka hina, xi nga Moya lowo Kwetsima. Ku ngari Munhu wa vunharhu; Munhu a ri un'we!

44 Xikwembu xi xikela ehansi kutani xi va nyama, xi tlhela xi fa rifu, eka Kreste; leswaku Xi nga ha basisa Kereke, leswaku xi ta kota ku nghena eka yona, leswaku xi va na xinakulobye. Xikwembu xi rhandza xinakulobye. Sweswo hi swona Xi nga endla munhu ro sungula xi n'wi endlela swona, a kuri hikwalaho ka xinakulobye; Xikwembu xi tshama xi ri xoxe, na Tikerubimi.

45 Kutani lemukani sweswi, Xi endlile munhu, kutani munhu u wile. Swingaleswi Xi xikele ehansi ku ta kutsula munhu, hikuva Xikwembu xi rhandza ku gandzeriwa. Rito rona *xikwembu* ri vula “xibye xo gandzela eka xona.”

Kutani leswi swi taka exikarhi ka hina, tani hi Langavi ra Ndzilo, tani hi swin'wana leswi swi ncincaka timbilu ta hina, xexo xa hari Xikwembu xin'we lexi xi nge teri, “Lahaya a kuve naku vonakala,” kutani lahaya ku vonakala ku va kona. Xa ha ri xona xa tolo, namuntlha, ni hilaha ku nga heriki.

46 Sweswi, ekusunguleni Xikwembu a xi tshama xi ri xoxe, na swihlawulekiso swa Xona, tani hilaha ndzi vulavuleke hi swona mixo lowu. Ya leyo a yi ri mianakanyo ya Xona. A kuri hava nchumu, ntsena Xikwembu xi ri xoxe, kambe a Xi ri na mianakanyo.

Ntsena tani hi mupfapfarhuti lonkulu a nga tshamaka ehansi, a ri eka miehleketo ya yena, kutani a pfapfarhuta leswi a swi ehleketaka leswaku u—u ya eku swi akeni. Ku tumbuluxa, sweswi, a ngaka a nga tumbuluxi. A nga ha teka swin'wana leswi swi nga tumbuluxiwa a swi endla swi va hi xivumbeko xin'wana xo hambana; hikuva Xikwembu hi xona ndlela yi ri yoxe. . . Un'we ntsena loyi a nga tumbuluxaka. Kambe u sungula a kunguhata emiehleketweni ya yena a nge se endla, kutani ya leyo hi yona mianakanyo ya yena, sweswo i ku navela ka yena. Sweswi i mianakanyo, kutani a swivula, nakona swi va rito kwalaho. Kutani ri—ri rito i. . .

47 Mianakanyo, loko yi tihlamusela, yi va rito. Ku hlamusela ka mianakanyo i rito, kambe ku fanele kuva mianakanyo kusungula. Swingaleswi, i swihlawulekiso swa Xikwembu; kutani yi va mianakanyo, yi va rito.

48 Lemukani. Lava va nga na byona, vusiku lebyi, Vutomi lebyi nga Heriki, hi lava a va ri na Xona ni kuva endzeni ka Xona, eka ku ehleketa loku ku nga ka Xona, ku nga se tshama kuva na Ntsumi, nyeleti, Kerubimi, kumbe swin'wana. Loyi a nga Heriki. Nakona loko mi ri na Vutomi lebyi nga Heriki, mi tano minkarhi hinkwayo. Ku ngari wena hi xivumbeko lahawani, kambe xivumbeko na nghohe leyi ya Xikwembu lexi nga riki na makumu. . .

49 Kutani loko Xi nga ri lexi xi ngariki na makumu, a hi Xona Xikwembu. Xikwembu xi fanele kuva lexi xi ngariki na makumu. Hina hi na makumu; Xona a xi na makumu. Nakona hi lexi Xi tshamaka xi ri kona, xa vutlharhi hinkwabyo, ni

lexi xa matimba hinkwawo. Loko Xi nga ri tano, kutani Xi ngaka xi ngavi Xikwembu. Xi tiva swilo hinkwaswo, tindhawu hinkwato, hikokwalaho ka kuva Xona xi tshama xi ri kona. Kuva na vutlharhi hinkwabyo swi Xi endla xi va lexi xi tshamaka xi ri kona. Hi Xona Xivumbiwa; a Xi kotisi mheho. Hi Xona Xivumbiwa; Xi tshama endzeni ka yindlu. Kambe xi ri xa vutlharhi hinkwabyo, xi tiva swilo hinkwaswo, swi Xi endla xi va lexi xi tshamaka xi ri kona, hikuva Xi tiva hinkwaswo leswi swi yaka emahlweni.

A ku ngevi na dzedze leri ri copetaka mahlo ya rona kambe Xi nga switivanga. Kutani Xi swi tive ku nga seva na misava, leswaku ri copeta mahlo ya rona nkarhi wo tani hikwihi, ni leswaku ri na mafurha yo tani hikwihi eka rona, ku nga se tshama kuva na misava. Sweswo i kuva lexi ngariki na makumu. Hi ngaka hi nga switwisisi emiehleketweni ya hina, kambe xexo i Xikwembu. Xikwembu, a xi na makumu!

<sup>50</sup> Kutani tsundzukani, n'wina, mahlo ya n'wina, xivumbeko xa n'wina, hambi leswi mi nga vaka xiswona, a mi ri eka ku anakanya ka Xona emasunguleni. Nakona nchumu wun'we lowu mi nga xiswona i nhlamuselo, ya rito. Endzhaku kaloko Xi swi ehleketile, Xi swi vurile, kutani hi n'wina lava mi kona. Loko swi ngari tano, loko a mi ngari kona eka ku anakanya ka Xona, ku hava ndlela ya n'wina ya kuva kona, hikuva hi Xona lexi Xi nyikaka Vutomi lebyi byi nga Heriki.

<sup>51</sup> Ma tsundzuka hilaha hi nga hlaya Matsalwa ha kona? “Ku ngari leswaku hi yena loyi a swi navelaka, kumbe yena loyi a swi endleke, kambe i Xikwembu!” Nakona leswaku ku hlawula ka Xona ku nga ha tshama kuri ntiyiso, Xi nga ha hlawula, ku nga seva na nkarhi, mani. Xikwembu xa tifuma eka ku hlawula loku ku nga ka Xona. Ma swi tiva sweswo xana? Xikwembu xa tifuma.

I mani loyi a ri endzhaku lahaya ku ta Xi byela hi ndlela yo antswa ya ku endla misava? I mani loyi a nga na xitiya-nhlana xa ku Xi byela hilaha Xi fanelaka kuri fambisa ha kona bindzu ra Xona leswaku ri hoxekile xana?

Hambi kuri—kuri Rito, hi Roxe, ra tifuma. Hambi kuri nhlavutelo wa tifuma. “Xi paluxa eka lava Xi nga tava paluxela.” Nhlavutelo wun'we, hi woxe, wa tifuma eka Xikwembu. Sweswo hi leswi vanhu va fayetelaka swilo, niku tlulela eka swilo, niku ba swilo, va ngari eku switiveni leswaku va endla yini. Xikwembu xa tifuma eka mintirho ya Xona.

<sup>52</sup> Sweswi ha Xi kuma emasunguleni, swihlawulekiso swa Xona. Nakona, sweswi, a mi ri na Xona kwalaho. Kutani hiloko Buku ya Vutomi yi ta erivaleni yi voniwa.

Sweswi, ha hlaya lahawani eka Nhlavutelo kuavanyisa ka vu13, vhese ya vu8, leswaku, “Xivandzana lexi xi taka ehlenhleri ka misava,” eka masiku lawa yo hetelela, “xi ta

xisa vanhu hinkwavo emisaveni lava mavito ya vona ya nga tsariwangiki eBukwini ya Xinyimpfana ya Vutomi ku nga seva na masungulo ya misava.”

<sup>53</sup> Ehleketani ha swona! Loko Yesu a nge se tswariwa, mune wa magidi wa malembe A nga se ta emisaveni; na magidi yo hlaya ya malembe mi nga se ta emisaveni; Yesu, a ri emiehleketweni ya Xikwembu, a fela swidyoho swa misava, nakona Buku ya Vutomi yi endliwile, nakona vito ra n’wina ri nghenisiwile eka Buku ya leyo ya Vutomi ku nga se va na masungulo ya misava. Walowo i Ntiyiso wa Bibebe. Wa vona, vito ra n’wina ri hlawule hi Xikwembu xi tlhela xi ri veka eBukwini ya Vutomi ku nga si va na masungulo ya misava.

<sup>54</sup> A mi ri kona eka swihlawulekiso swa Xona. A ma ha swi tsundzuki, ee, hikuva ntsena mi xiphemu xa Vutomi bya Xona. Mi xiphemu xa Xikwembu loko mi va n’wana wa xinuna kumbe wa xisati wa Xikwembu.

Ntsena ku kotisa loko mi ri xiphemu xa tatana wa n’wina wa le misaveni! Hi swona sweswo. Mi tano. Xinuna xi khomile hemoglobini, ku nga ngati. Nakona loko ya leyo yi fambile yi—yi ya eka tandza, kutani mi va xiphemu xa tatana wa n’wina; na manana wa n’wina u va xiphemu xa tatana wa n’wina, na yena; swingaleswi hinkwerhu mi swiphemu swa tatana wa n’wina.

Wa kwetsima! Sweswo swi siya dinominexini yi ri ehandle, hinkwayo. Ahaa. Hakunene yi tano! Xikwembu, eka hinkwato, ndhawu yi ri yin’we ntsena!

<sup>55</sup> Lemukani swihlawulekiso swa Xona sweswi. Kutani xihlawulekiso xo sungula, a xi ri, Xikwembu; xi nga mianakanyo, xihlawulekiso xona hi xoxe, hinkwaswo eka Xin’we, swi nga hlamuseriwanga. Kutani loko Xi tava xi hlamusetile, xa vumbirhi, Xi vile rona Rito. “Kutani Rito ri endliwa nyama ri tshama exikarhini ka hina.”

<sup>56</sup> Mukwetsimi Yohana kuavanyisa ka vul na vhese ya vul, lemukani, yi ri, “Ekusunguleni.” Kambe, ku nga si va, na laha ku nga Heriki! Lemukani, “Ekusunguleni a kuri na Rito.” Loko nkarhi wu sungula, a kuri Rito. Kambe ku nga si va na Rito, a kuri na swihlawulekiso, ku nga mianakanyo. Kutani yi hlamuseriwa leswaku, “Ekusunguleni a kuri na,” ku nga nhlamuselo, “ya Rito.”

Sweswi hi nghena laha Melkisedek a nga kona. Kwalaho i Munhu loyi wa swihundla. “Ekusunguleni a kuri na Rito, nakona Rito a ri ri na Xikwembu, nakona Rito a xi ri Xikwembu.” “Kutani Rito ri hundzuriwa nyama leyi yi nga tshama exikarhini ka hina.” Khomani sweswo kwalaho sweswi, lemukani.

<sup>57</sup> Xivumbiwa xa Xona—Xona xo sungula a kuri Moya, Xikwembu, lexi nga ehandle ka ntumbuluko, hi swona hinkwaswo, lexikulu lexi nga riki na Makumu. Xa vumbirhi,

Xi sungurile ku tivumba xona N'winyi enyameni, eka *miri wa tilo*, lowu wu vitaniwaka “Rito; wa miri.” Lexi hi xona xivumbeko lexi a Xi ri eka xona loko Xi ta hlangana na Abraham, lexi xi vitaniwaka Melkisedek. A Xi ri eka xivumbeko xa miri wa tilo. Sweswi hi ya nghena eka sweswo hi swi khorwisa hi timinetse tintsongo, loko Hosi yi swi rhandza. A ri Rito.

<sup>58</sup> Miri wa tilo hi wun'wana lowu mi nga taka mi nga wu voni. Wu nga hava wu ri kona lahawani sweswi, hambu swi ri tano a mi nge wu voni.

Swi kotisa, hakunene, swi kotisa thelevhixini. Ya leyi yi le eka xivandla xin'wana xa ximoya. Thelevhixini; vanhu vale ku famba-fambeni kwala kamareni ya leyi sweswi, va ri karhi va yimbelela; ku na muhlovo, na yona. Kambe tinhlo ntsena ri yingisela switwi swa ntlhanu...Xivumbiwa xa vuwena hinkwaxo xi yingisela ntsena switwi swa ntlhanu, kumbexani. Nakona u yingise ntsena laha mahlo ya nga pimeriwa ku fika kona ku vona. Kambe ku na xivandla xin'wana xa ximoya lexi xi nga voniwaka hi ndzhundzhulukho, wa thelevhixini.

<sup>59</sup> Sweswi, thelevhixini a yi kali yi vumba xifaniso. Thelevhixini yo xi lawula ku nghena eka muchini, kutani xikirini xa thelevhixini xi xi teka. Kambe xifaniso a xi ri kona kwalahaya, ku sungula hi swona. Thelevhixini a yi ri kona loko Adam a ha ri kona. Thelevhixini a yi ri kona loko Eliya a ta tshama eNtshaveni ya Kamela. Thelevixini a yi ri kona loko Yesu wa Nazareta a famba eka ribuwu ra Galeliya. Kambe ntsena hi kona mi swi thumbha sweswi. A va nga ta swi pfumela endzhaku lahaya. A wu tava u penga ku vula swin'wana swo kotisa swona. Kambe sweswi swi humelerile swi vonaka.

Kutani swi tano, leswaku Krete u kona lahawani, Tintsumi ta Xikwembu ti kona kwalahawani. Kutani siku rin'wana, eka Miliniyamu leyi yi taka leyikulu, yi ta humelela yi va ya ntiyiso ku tlula thelevhixini kumbe swin'wana, hikuva ti kona kwalahawani.

<sup>60</sup> Xa tipaluxa xona N'winyi eka xivumbeko xa Xona lexikulu xa leswi Xi swi koxaka, tani hilaha Xi nga *en morphe* xona N'winyi eka malandza ya Xona ni kuva xi ti khorwisa hi xona N'winyi.

<sup>61</sup> Sweswi, hi Lexi hi xivumbeko xa Moya. Hiloko Xi ta hi xivumbeko xa...xa *en morphe*. Sweswi, Xi humelerile eka Abraham, *en morphe*. Loko Abraham a vuya eku dlayeni ka tihosi, lahawani ku ta Melkisedek, a vulavula na Xona.

<sup>62</sup> Siku rin'wana eka phepha ra Tucson, a ndzi ri eku hlayeni ka atikili laha a kuri na—na wansati loyi a chayela epatwini, ndzi pfumela leswaku a kuri kwalomu ka makume mune, timayili ta makume ntlhanu hi awara, kutani a tlumba mukhalabya loyi a ambarile hovhorolo. U huwelerile a yimisa



movha wa yena. Yi n'wi hoxa emoyeni. A ya wela erivaleni ra mananga! Kutani u tsutsumile a tlhelela endzhaku ku ya n'wi kamba nakona a nga ha ri kona kwalahaya. Swingaleswi u endlile yini wansati? Vanhu lava a vari etlhelo ka yena va swi vonile loko swi humelela, va n'wi vonile mukhalabya loko a haha a moyeni, na hovhorolo ya yena loko yi ndiwuluta. Swingaleswi va tsutsumile ku ya lavisisa. A va ha n'wi kumanga wanuna loyi. Va vitanile maphorisa. Maphorisa ya tile ku ta kambela ndhawu; a kuri hava munhu kwalahaya.

<sup>63</sup> Kunene, un'wana na un'wana wa vona a ri karhi a nyika vumbhoni bya leswaku, "Movha wu endlile mpfumawulo, wo tlumba munhu. U hahile a ya ehenhla emoyeni, nakona un'wana na un'wana u swi vonile." Timbhoni, nakona tilodi timbirhi kumbe tinharhu ta mimovha ya vona, va swi vonile loko swi humelela. Loko vata va ta kamba, endzhaku ka ntlhanu wa malembe, a kuri na mukhalabya loyi a nga ambala hovhorolo, a nga tlumbiwa a tlhela a dlawa eka ndhawu yiri ya liya yin'we.

Loko u hanya lahawani, a wu fanga. U fanele ku tlhela u vuya, hambu loko u ri mudyohi, nakona u avanyisiwa ku ya hi mintirho leyi u nga yi endla emirini. "Loko tabernakele leyi ya laha misaveni yi ta n'okisiwa, hi na yin'wana leyi yi rindzeleke." *En morphe*, lero i rito.

<sup>64</sup> Sweswi, Xikwembu, eka xiyimo lexi xa...I xiyimo xa Xona xo tumbuluxa, endzhaku xi tivumbe enyameni, ha Yesu. Kusuka kwihi? Kusukela eka masungulo lamakulu, ya Moya, kutani xi ta ehansi eka Rito, xi ti humesela ehandle hi Xoxe. Rito a ri ti endlile rona hi Roxe, ntsena ro vuriwa, *en morphe*, endzhaku Xi va nyama, yi nga Yesu, loyi a hundzaka, leswaku a ta ringa rifu a ringela hina hinkwerhu vadyohi.

<sup>65</sup> Loko Abraham a ta hlangana na Xona, a Xi ri Melkisedek. Xi humesela ehandle lahawani hinkwaswo swihlawulekiso leswi xi nga ta swi endla emakun'wini yo hetelela, n'wana un'wana na un'wana wa Abraham. N'wana un'wana na un'wana wa Ripfumelo hakunene u ta endla swo fana. Kambe ndzi lava ku hlalela hilaha hi fanelaka ku tisa xiswona.

<sup>66</sup> Nakambe, ha xi vona Xi tipaluxa lahawani eka Ruth na—na Boaz, tani hi Mukutsuri loyi a nga Warikwerhu, hilaha Xi faneleke ku ta ha kona xi tava nyama.

<sup>67</sup> Sweswi ha swi vona swihlawulekiso, swi nga vana va Moya va Xona, a va se nghena eka miri wa xivumbeko xa Rito. Kambe, miri wa tilo; miri lowu wu yingisa Rito na xitiyisiso, wu rindzela xitiyisiso, ku ncinciwa ka miri.

<sup>68</sup> Sweswi, ku hambana exikarhi ka Xona na wena, tani hi n'wana. Wa vona, Xi tano, ekusunguleni, Rito, miri wa *en morphe*. Xi nghenile eka wona xi hanya eka wona, eka Munhu a nga Melkisedek. Kutani, endzhaku, a ha ha twanga nchumu hi Melkisedek nakambe, hikuva U vile Yesu Krete. Melkisedek a ri

Muprista, kambe U vile Yesu Kreste. Sweswi, ma swi khavuleja sweswo. Hikuva, eka xivumbeko xexo, Xi tiva swilo hinkwaswo, nakona a mi nga swikoti ku swi tiva sweswo sweswi.

Mi te ku kotisa Adam, tani hi mina, mi ta mi suka eka swihlawulekiso mi ya eka nyama, leswaku mi ta ringiwa. Kambe loko vutomi lebyi byi herile lahawani, “Loko tabernakele leyi ya laha misaveni yi ta mbindzumuka, hi na yin’wana yi nga hi rindzela.” Kwalahaya hi laha hi yaka kona; yaleyo i ya Rito. Leswaku hi nga ha languta endzhaku hi vona leswi hi nga swi endla. Sweswi a hi swi twisisi. A hi kalanga hi va Rito; hi lo va vanhu va nyama ntsena, ku ngari va Rito.

<sup>69</sup> Kambe, nakona langutani, swi swi endla swi vonakala erivaleni, a mi ngevi Rito handle kaloko mi vile mianakanyo emasunguleni. Sweswo swi khorwisa ku hlawula ka Xikwembu. Wa vona? U ngaka u ngavi Rito handle kaloko u ri mianakanyo. U fanele kuva eka ku ehleketa, kusungula.

Kambe, ma swi vona, leswaku u yimela miringo, u fanele ku tsemekanya miri wa tilo. U fanele ku ta lahawani hi nyama, leswaku u ringiwa hi vudyoho. Kutani, loko u yima, “Hinkwaswo leswi Tatana a nga Ndzi nyika swona swi tata eka Mina, nakona Ndzi ta n’wi pfuxa hi masiku yo hetelela.” Wa vona, u fanele kuva wo sungula.

<sup>70</sup> Kutani, ma swi vona, Xi xikele ehansi, hi ntila wa ntolovelo, kusuka eka xihlawulekiso ku. . . Ku nga se va na masungulo ya misava, vito ra yena ri ngenisiwile eBukwini ya Xinyimpfana ya Vutomi. Kutani, kusuka eka sweswo, Xi vile Rito, leri nga miri wa tilo, leswaku xi nga ha kota ku humelela, xi tlhela xi nyamalala. Nakona Xi va nyama xi tlhela xi tlhela nakambe, xi pfuka ekufeni xi va miri wun’wana lowu wu nga eka xiyimo lexi nga kwetsimisiwa.

Kambe xi tsemekanya miri wa tilo xi va munhu wa nyama, leswaku xi ta ringiwa hi vudyoho. Kutani, “Loko tabernakele leyi ya laha misaveni yi ta mbundzumuka, hi na yin’wana leyi yi nga hi rindzela.” A ha ha ri mimiri.

<sup>71</sup> Kambe, langutani! Loko miri lowu wu amukela Moya wa Xikwembu, Vutomi lebyi nga hundziki lebyi byi nga endzeni ka n’wina, byi hoxa miri lowu eka ku yingisela Xikwembu. Haleluya! “Loyi a nga tswariwa hi Xikwembu a nga dyohi; a ngaka a nga dyohi.” Varhoma 8:1, “A ka ha ri na kuavanyisiwa eka lava va nga eka Kreste Yesu; lava va nga fambiki hi ku navela ka nyama, kambe hi ku navela ka Moya.” Kwalaho mi nga kona. Wa vona, sweswo swi endla leswaku miri wa wena wu yingisela.

A mi fanelanga mi ku, “Oho, loko ntsena ndzi nga tshika ku nwa! Loko ntsena ndzi nga. . .” Ntsena nghena eka Kreste, nakona hinkwaswo swi tava swi fambile, wa vona, wa vona, hikuva mimiri ya n’wina yi yingisela Moya. A ya ha yingiseli swilo swa misava; yi file. Yi file; swidyoho swa n’wina swi

lahliwile eka nkhumulo, nakona mi xivumbiwa lexintshwa eka Kreste. Nakona miri wa n'wina, wu va wu yingisela Moya, wu ringeta ku hanya muxaka wa kahle wa vutomi.

<sup>72</sup> Tani hi n'wina vavasati mi koxaka leswaku mi na Moya lowo Kwetsima, mi tlhela mi huma lahawani mi ambarile swo koma na swin'wana, u nga swi endlisa ku yini? Wu ngava njhani Moya wa Xikwembu eka wena wu ku pfumelela u endla nchumu wo kotisa walowo? Swingaka swi ngavi tano. Hakunene, swi ngaka swi nga endleki. A Xi moya wo thyaka; hi Xona Moya lowo kwetsima.

<sup>73</sup> Kutani loko u va loyi a yingiselaka Moya walowo, wu hoxa xivumbiwa xa vuwena leswaku xi yingisela Moya walowo. Nakona Moya walowo a wo va nchumu eka misava handle ka Rito ra Mbewu leyi yi tivonakariseke, kumbe leyi hanyisiweke, haleluya, yi endlwa yi hanya. Kutani loko Bibeke yi teri, "U nga endli *leswi*," miri walowo hi xihatla wu hundzulukela eka Rona. A kuna xivutiso.

Nakona i yini? I xitiyisiso xa ku pfuka ekufeni. Miri lowu wu ta pfuxiwa nakambe, hikuva khale wu sungurile. Wu tshame wu yingisela vudyoho, nale ku tikeriwani na ku bola, kambe sweswi wu na ku tiyisisiwa; wu hundzukele eka wa Tilo. Sweswi, xexo i xitiyisiso xa leswaku mi ya eka Tlhandluko. I xitiyisiso.

<sup>74</sup> Munhu loyi a vabyaka a nga pavalala, a ri ekufeni, kuri hava lexi xi nga sala handle ka rifu; sweswo hi swona hinkwaswo swi nga humelelaka. Ndzi vonile midzhuti ya vanhu, yi dyiwile hi mfukuzani na rifuva; niku vona vanhu va vona, endzhaku nyana endzhaku ka sweswo, vatlhela va va kahle va tlhela va tiya. Loko a ku ngari na ku hanyisiwa loko Kwetsima, swi vula leswaku a ku nga tava na ku pfuka ka vafi, hikuva ku hanyisiwa loko Kwetsima i xitiyisiso xa ku pfuka ekufeni. Amen!

<sup>75</sup> Ma swi tiva leswaku xitiyisiso xa mali i yini, a mi xitivi xana? I hakelo ya le hansi. "U vavisiwile hikwalaho ka vudyoho bya hina; hi timbanga ta Yena hi hanyisiwile." Xiyisisani leswaku swi saseka njhani! Ha N'wi rhandza.

<sup>76</sup> Sweswi, miri lowu wu yingisela Moya. A wu se nghena eka xivumbeko xa Rito, kambe hambu swi ri tano ha hari eka xivumbeko xa nyama, kambe hi ri karhi hi yingisela Rito. Rifu ra le nyameni ri ta hi yisa kwalahaya.

<sup>77</sup> Ntsena swa fana, ehleketani hi n'wana lontsongo. U nga ha teka wansati, swi nga khathaleki leswaku u na vubihi ku fika kwihi, loko a tikile a ti lulamisela kuva manana. Langutani, n'wana ya loye a nge se tswariwa, a ndzi na mhaka leswaku wansati u na tihanyi ku fika kwihi, u va na tintswalo leti hetisekeke. Ku na swin'wana ha mpfumawulo wa yena. . . swi tikombaka swi ri swa vukhongeri, ku vona manana lontsongo

loko a tilulamisela kuva manana, hi n'wana. Hikokwalaho ka yini swi ri tano? N'wana ya loye lontsongo, sweswi, a nge se hanya sweswi, wa vona, nchumu lowu wu nga kona kova nyama na tinhlampfana. Ku tlula nyana ka xona, sweswo kova ntsena ku jeka ka tinhlampfana. Kambe loko xi humeleta kusuka exivelekelweni, Xikwembu xi huhutela ku hefemula ka vutomi eka xona, kutani hiloko xi rila. Wa vona, ntsena tani—tani hi ntiyiso tani hiloko kuri na n'wana wa ntumbuluko loko a tava a vumbiwile, ku na miri wa ximoya ku ta wu amukela loko ntsena a ha ku humeleta.

<sup>78</sup> Kutani, loko munhu a tava a tswariwe ra vumbirhi, kusuka eTilweni, u va n'wana wa moya eka Kreste.

Kutani, swingaleswi, loko xiambalo lexi xa nyama xi wa, ku na miri wa tumbuluko, miri wa tilo, miri lowu wu nga endlwangiki hi mavoko, hambu kuri ku tswariwa hi wansati, lowu hi yaka eka wona.

Kutani miri walowo wu tlhelela endzhaku wu ya teka miri lowu wu nga kwetsimisiwa.

Xexo hi xona xivangelo xa kuva Yesu a yile atiheleni loko A tava a file, a ya chumayelela mimoya leyi a yi ri ekhotsweni; a tlhelela endzhaku eka miri walowo wa tilo. Oho, swi hlamarisa njhani! Hi khensa Xikwembu!

<sup>79</sup> Vakorinto va Vumbirhi 5:1, “Loko miri wa laha misaveni wu mbundzumuka, tabernakele leyi ya laha misaveni, hi na yin'wana.” Wa vona, hi wu tsemekanyile walowo, ku ta hi kongoma eka Xikwembu, lexi xi nga xihlawulekiso; ku va nyama, leswaku hi ringiwa ni ku ringetiwa hi vudyoho, tani hilaha Adam a swi endleke. Kambe loko ku ringetiwa ka Rito ra Xona ku tava ku herile, kutani hi tekeriwela ehenhla eka miri lowu hi nga lulamiseriwela wona ku nga siva ni masungulo ya misava. I Rito leri ri nga lahaya leri hi nga ri tlula, ku ta fika haleno, ehansi lahawani ku ta ringiwa ni ku ringetiwa. Loko hi leswaku hi tile ha sweswo, a ku ngevi na miringo; hi tivile swilo hinkwaswo. Xexo hi xona xivangelo xa kuva Yesu a tiva swilo hinkwaswo, hikuva A ri yena Rito loko A nge siva nyama. Swingaleswi hi va Rito.

<sup>80</sup> Lahawani hi vumbiwile hi xivumbeko xa Rito, leswaku hi va na xiave eka Rito, hi phameriwa hi Rito, hikuva hi hlawuriwile khale kusukela emasunguleni; ma ku vona ku tlweba nyana kwaloko ka Vutomi loko mi nga na kona kusukela emasunguleni, loko mi tava mi sungurile rendzo ra n'wina. Votala va n'wina mi nga ha swi tsundzuka. Mi joyine kereke *leyi* mi joyina ya *leyo*, mi ringeta *leyi* na kereke ya *leyo*; ku hava ku enetiseka. Hi swona sweswo. Kambe siku rin'wana ntsena mi Ri tivile. Hi swona.

<sup>81</sup> Vusiku byin'wana a ndzi ri eku dyondziseni kun'wana, ndzi pfumela leswaku hile California kumbe Arizona,

kwalomu... Ndzi pfumela leswaku ndzi xi vurile xitorhi nyana lexi lahawani, xa wanuna loyi a byamerisa tandza ra gama hi huku. Loko gama rero ri tava ri tlhotlhorhiwile, a languteka a ri xinyenyana xo hlekisa loko tihuku letin'wana ti n'wi languta. Kambe, u fambile nyana. A ri la—la biheke exikarhi ka tona, ntsena hikwalaho ka kuva a nga swi twisisi hilaha huku ya leyo yi nkenkela yi tlhela yi handa etaleni lero yi dya. A nga yi kumi miehleketo ya kona. Yi nga ha ku, “Tana u ta dya, murhandziwa!” Kambe, a ri gama; ntsena a nga dyisi xiswona sweswo. A swi ngari swakudya swa yena.

<sup>82</sup> Swingaleswi yi nga ha khoma tinjiya na swin'wana, ma swi tiva, ni kuva yi vitana swikukwana. Kutani hinkwaswo swikukwana swa vona swi ta famba na yona, swi ri karhi swi ciyota-ciyota, na ku dya. Kambe gama lerintsongo a ri nga swikoti ku swi endla. A swi languteka swi ngari—swi ngari kahle eka rona.

Swingaleswi siku rin'wana manana wa rona u tile a ri karhi a xi hlota.

<sup>83</sup> Kutani a twa mbhaha walowo loko wu nkenkela. U ringetile hilaha a nga kota ha kona ku nkenkela na yena, kambe u tsandzekile ku swi endla. U ringetile ku ciyota-ciyota tani hi swikukwana, kambe a nga ta swikota. Wa vona, a ri gama. Yena, ku sungula hi swona, a ri gama. Ntsena u lo tlhotlhorhiwa hi mbhaha.

Sweswo swi kotisa swirho swin'wana swa kereke. Hinkwako... Yaleyo i ndlela leyi yi nga xiswona; yin'we yi humaka eka ntshamiseko, hi swona.

<sup>84</sup> Kambe siku rin'wana manana wa rona u hahile hi kwalahaya, kutani a huwelela. A ku lemuka. Leswi swi twakala kahle. Hikokwalaho ka yini? A ri gama, kusungula hi swona.

Yaleyo hi yona ndlela yi nga xiswona na Evhangelu, kumbe Rito, kumbe Matimba ya Yesu Krete. Loko munhu a hlawuriwe khale a hlawuleriwela Vutomi lebyi nga Heriki, u yingiserile ku rila kwaloko ka ntiyiso, ku huwelela ka Xikwembu, ku hava lexi xi nga ta n'wi fambisela ekule na Rona.

Kereke yi nga ha ku, “Masiku ya mahlori ya hundzile,” yi nkenkela, yi nkenkela, yi nkenkela. “Yima lahawani u dya *leswi*, u tlhela u yima lahawani u dya *sweswo*.”

<sup>85</sup> Maendlelo ya lawa ya le dulwini ya ngaka ya nga ha n'wi pfuni nchumu, nakambe. U fambile! “Hinkwaswo swa koteka!” Wa suka ehansi.

Sweswo hikwalaho, swi nga na mhaka na Vakreste votala namuntlha, a va ha swikoti ku susa minkondzo ya vona ehansi.

Manana wo dyuhala u ri, “Jaha, tlula! U gama. Tana haleno ndzi nga kona.”

A ku, “Mhani, a ndzi se tshama ndzi tlula, evuton’wini bya mina.”

<sup>86</sup> A ku, “Kunene, tlula! U gama, kusungula hi swona. A wu huku.” Swingaleswi hiloko a tlula ro sungula a tlharhamula timpapa ta yena; a swi ngari kahle, kambe u sukile ehansi.

Yaleyo i ndlela leyi hi endlisaka xiswona. Hi amukela Xikwembu hi ripfumelo, hi Rito leri ri nga tsariwa. Ku na swin’wana lahaya; i Vutomi byebyo lebyi nga Heriki. Mi hlawuriwe khale mi hlawuleriwela eka byona.

<sup>87</sup> Kokwana wa xona wa xinuna na wa xisati i magama. Na yena a ri gama, ku tlhelela endzhaku. Gama a ri hlanganani na nchumu. A hi rona leri ri nga hayibrediwa; ee. Hi yena gama.

<sup>88</sup> Kutani, endzhaku kaloko u tivile Rito reriya ra Xikwembu leswaku ri Swakudya swa Gama, kutani u tshika leswin’wana. Kwalaho u va u vumberiwele eka xivumbeko lexi xi hanyaka xa Xikwembu lexi xi hanyaka. U swi twile hi miri wa tilo wa wena. “Loko miri lowu wa laha misaveni wu onhaka, hi na wun’wana lowu wu nga rindzela.”

Mi ri, “Hi swona sweswo, Makwerhu Branham?”

Hi swona, a hi tekeni magama yo hlaya hi malanguta xinkadyana. A kuri na vito, wanuna hi vito ra Muxe. Un’wana na un’wana wa switiva leswaku muprofeta u thyiwile kuri i gama, eBibeleni.

<sup>89</sup> A kuri na muprofeta loyi a nga thyiwa vito ra Muxe. Kutani siku rin’wana Xikwembu xi n’wi vitanile, kutani xi nga n’wi pfumeleri a ya etikweni, nakona u—u fele eRibiyeni. Tintsumi ti n’wi tekile ti ya n’wi lahla.

A kuri na munhu un’wana, wa gama, a nga ri na mfanelo yo fa. Ntsena u tsemekanyile Yordan, kutani Xikwembu xi rhumela golonyi ehansi; na nguvu leyi ya nyama a nga yi wisa, kutani a pfuka a ya kuma hakelo leyi nga riki na makumu.

Endzhaku ka nhungu wa madzana ya malembe, endzhaku ka nhungu wa madzana wa malembe, eNtshaveni ya Nkwetsimo, lahawani ku yima vavanuna lava vambirhi. Miri wa Muxe a wu borile ku ringana madzana ya malembe, kambe lahawani a ri eka xivumbeko xexo kufikela laha Petro, Yakob, na Yohana va n’wi lemukaka. Amen! “Loko tabernakele ya laha misaveni yi onhaka,” loko u ri xihlawulekiso xa nhlamuselo ya Xikwembu lahawani emisaveni, “u na miri lowu wu nga rindzela loko u ta siya misava leyi.” Kwalahaya a va ri kona, va yimile eNtshaveni ya Nkwetsimo, va ri eka mimiri ya vona ya tilo. Hikuva, a va ri vaprofeta lava Rito ri taka hi vona.

<sup>90</sup> Nakambe hi pfumeleli hi lemuka muprofeta un’wana, nkarhi wun’wana, hi vito ra Samuel. A ri munhu lonkulu. U dyondzisile Israel; a va byela leswaku a va fanelanga va va na hosi. A ku, “Xana ndzi tshame ndzi vula swin’wana eka n’wina hi Vito ra Hosi swi nga humeleli xana?”

Va ku, “Ee. Hinkwaswo leswi a wu tshamela ro swivula hi Vito ra Hosi a swi humelela.”

A ri muprofeta, nakona u file.

<sup>91</sup> Kwalomu ka le ndzhaku ka manharhu kumbe mune wa malembe, hosi yi kumekile yi ri ekhomyeni; kwalaho Ngati ya Yesu Kreste a yi nga se halaka. A ri epharadayisini. Kutani noyi wa le Endor u vitanile un’wana leswaku a ta, a hlaluva Saul. Kutani loko noyi a n’wi vona a yimile, a ku, “Ndzi vona xikwembu xi pfuka xi huma emisaveni.”

<sup>92</sup> Kutani endzhaku kaloko wanuna a file, a lahliwile, a tlhela a bola esirheni, lahawani u yimile ebakwini leriya, a ri na tinguvu ta vuprofeta; nakona a hari muprofeta, amen, hikuva u teri, “Hikokwalaho ka yini u ndzi vitana ndzi wisile, u vona leswi u nga nala wa Xikwembu xana?” Langutani vuprofeta bya yena. “Vusiku bya mundzuku, hi nkarhi lowu, u tava u ri na mina.” A ha ri muprofeta, hambi leswi a fambile eka miri lowu.

Wa vona, u vile kona lahawani a tlhela a va xiphemu xa Rito rero, nakona u ngenile eka vutomi bya nyama u tlhelele endzhaku eka miri lowu a lulamiseriwile wona ku nga si va na masungulo ya misava. U ngenile eka miri wa tilo, laha ku nga Rito. Ma swi kuma? Kwalaho hilaha vapfumeri va yaka kona loko hi ta suka lahawani.

<sup>93</sup> Kutani, eka xivumbeko xexo, nguvu sweswi yi tlakusiwile. Ma swi vona, mi Rito, na n’wina, loko mi nghena lahaya. Tani hi n’wana lontsongo; tani hilaha ndzi vuleke xinkadyana lexi xi nga hundza . . .

<sup>94</sup> Sweswi lemukani. A ku khensiwi Xikwembu hi ku pfuriwa ka Swilemo leswi, i xikhongelo xa mina, xo tiva swilo leswi!

<sup>95</sup> Sweswi nhlavutelo wa ntiyiso wa Melkisedek wu ta erivaleni. Yini? A ri Xikwembu, lexi nga Rito, Xi nga siva nyama; Xikwembu, xi nga Rito. Hikuva, Xi fanele kuva tano; kuhava na un’we a ngava loyi a nga hundziki ku kotisa Yena. Wa vona, ndzi vile na tatana na manana; mi tano, na n’wina. Yesu a ri na tatana na manana. “Kambe Wanuna loyi a nga ri na tatana, kumbe a ri hava na manana.” Yesu u vile na nkarhi lowu A nga wu sungula; Wanuna loyi a nga vanga na wona. Yesu u nyikerile vutomi bya Yena; Wanuna loyi a nga swi endlanga, hikuva A ri Vutomi. Nakona hi yena Wanuna ya luya nkarhi hinkwawo. Ndzi pfumela leswaku Xikwembu xi mi paluxela swona. Munhu loyi a nga un’we, nkarhi hinkwawo.

<sup>96</sup> Lemukani xiyimo xa Yena, “Hosi ya kululama.” Sweswi, Vaheveru 7:2, “Hosi ya kululama, na Hosi ya ku rhula.” Hi Yena tihosi timbirhi. Sweswi langutani, Vaheveru 7:2, “Hosi ya kululama, nakambe Hosi ya kurhula.” A ri tihosi timbirhi na kwalahaya. Sweswi kusukela loko A tile enyameni a tlhela a amukela miri wa Yena ehenhla, eka Nhlavutelo 21:16, U



vitaniwile, “Hosi ya tihosi.” A ri hi vunharhu ka tona, kun’we. Wa vona, Hosi Xikwembu, Hosi Miri wa tilo, Hosi Yesu. “Hi Yena Hosi ya tihosi.”

Hinkwaswo swi hlanganile, ntsena ku kotisa munhu wa le ndzeni, miri, na moya, hinkwaswo swi ta swi ta endla xin’we.

<sup>97</sup> Nakambe, hi Yena Tatana, laha ku nga ko sungula; N’wana; na Moya lowo Kwetsima, ku nga Moya.

“Hosi ya kululama,” xihlawulekiso xa Moya; miri wa tilo, “Hosi ya—ya ku rhula,” miri wa tilo; nakona enyameni A ri “Hosi ya tihosi,” Munhu a ri un’we.

<sup>98</sup> Loko miri wa tilo, Muxe u N’wi vonile, Eksoda 33:2, A ri miri wa tilo. Muxe u lavile ku vona Xikwembu. U twile rito ra Xona, a Xi twa xi vulavula na yena, a Xi vona a xihlahleni lahaya, tani hi Langavi lerikulu ra Ndzilo. Hiloko a ku, “U Mani xana? Ndzi lava ku ku tiva leswaku U Mani.” Muxe u teri. “Ndzi ta vekela. . .” “Loko U nga ndzi pfumelela leswaku ndzi Ku vona, ndzi ta tsakela ku vona xikandza xa Wena.”

<sup>99</sup> Xi ku, “Ku hava munhu loyi a nga vonaka xikandza xa Mina.” Xi ku, “Ndzi ta pfala mahlo ya wena hi voko ra Mina, kutani Ndzi ta hundza. Nakona u nga ha vona nhlana wa Mina, kambe ku ngari xikandza xa Mina.” Wa vona? Kutani loko Xi tava xi swi endlile, a kuri nhlana wa Munhu; a wuri miri wa tilo. Kutani Rito leri ri nga ta eka Muxe, “HI MINA LOYI A NGA KONA,” rero a ri ri Rito. Rito ri tile eka Muxe hi xivumbeko xa Langavi ra Ndzilo eka xihlahla lexi a xi pfurha, leri ri nga “HI MINA LOYI A NGA KONA.”

<sup>100</sup> Tani hi Rito kusuka eka ntivo-vukhonger. . . kusuka eka miri wa tilo, kumbexani. Ndzi khomeleni. Xi tile eka Abraham tani hi Munhu, ehansi ka nsinya wa kuhlu. Sweswi langutani kwalahaya. Kwalahaya ku tile Vanhu eka Abraham, vanharhu va vona, va fika va tshama ehansi ka nsinya wa nkuhlu, vanharhu va vona. Nakona lemukani, endzhaku kaloko A vulavurile na Abraham. . .

<sup>101</sup> Hikokwalaho ka yini A tile? Abraham, kuva a ri un’wana loyi a ri na xitshembhiso na hungu ra ku ta ka n’wana, nakona a ri muprofeta wa Rito ra Xikwembu loyi a tshembhela eka Rito ra Xikwembu, a vula hinkwaswo ku hambana tani hiloko a swi ngari kona. Wa ri vona Rito hilaha ri nga hetiseka ha kona xana? Rito ri ta eka muprofeta. Wa vona, a kuri na Xikwembu xi ri eka miri wa tilo. Nakona Bibeke yi teri, “Rito ri ta hi muprofeta.” Nakona hi—hi leri Rito ri ri eka miri wa tilo.

Sweswi mi ri, “Xexo a xi ri Xikwembu xana?”

<sup>102</sup> Abraham u vule leswaku a swi ri tano. U teri vito ra Yena, a kuri, u Xi vitanile Elohim. Sweswi eka Genesa 1, u kuma leswaku, “Ekusunguleni *Elohim* u tumbuluxile matilo na misava.” Eka Genesa 18, hi kuma leswaku—leswaku Abraham

u vitanile Munhu loyi. . . loyi a tshamile lahaya a vulavula na yena, nakona a nga ha n'wi byela swihundla swa mbilu ya yena, a n'wi byela hi leswi Sarah a ri eku swi ehleketani endzhaku ka Yena. Abraham u teri, "I Elohim." A ri eka xivumbeko xa miri wa tilo. Ma swi kuma xana? Lemukani endzhaku. . .

<sup>103</sup> Sweswi hi kuma leswaku a Xi ri eka xivumbeko xa miri wa tilo. U Xi vitanile, "Hosi Xikwembu, Elohim." Sweswi, eka Genesa 18, hi kuma leswaku sweswo i ntiyiso.

<sup>104</sup> Sweswi lemukani Abraham. A kuri na vanharhu va vona va ri kun'we, kambe loko Abraham a tava a hlanganile ni lava vanharhu, u teri, "Hosi ya mina."

Kambe loko Lot, ehansi eSodoma; vambirhi va rhelele ehansi kwalahaya, kutani Lot u vone vambirhi va ta, hiloko a ku, "Tihosi ta mina." Wa vona, mhaka a kuri yini? Ndhawu yo sungula, Lot a nga ri muprofeta, hi swona sweswo, kumbe hambu murhumiwa wa awara, swingaleswi a ngari na nhlavutelo wa Xona. Hi swona hakunene. Lot a nga ha va vitana "tihosi." Khume mbirhi wa vona, hambu swi ri tano a nga ha va vitana, "tihosi."

Kambe a swi na mhaka ni leswaku Abraham u vone vangani, a Ya ha ri Hosi yin'we. Kuna Xikwembu. Loyi a ri Melkisedek.

<sup>105</sup> Lemukani, endzhaku kaloko nyimpi yi herile, Melkisedek u phamerile n'wana wa Yena loyi a nga hlula xilalelo; ehleketani ha sweswo, xiphemu xa yena hi Yexe! Sweswi hi lava ku vona lahawani. Hi ku fananisa lahawani i ku, hi ku kombisa, xilalelo. Endzhaku ka nyimpi, A tinyikela hi Yexe, hikuva xilalelo i xiphemu xa Kreste. Kutani endzhaku kaloko ku tikarhata ku herile, endzhaku kaloko u ta kumeka u xipuriwile, kutani hiloko u va na xiave na Kreste, u va xiphemu xa Xivumbiwa lexi. Ma swi kuma xana?

<sup>106</sup> Yakob u lwe vusiku hinkwabyo, nakona a nga N'wi tshikanga ku kondza A n'wi katekisa. Hi swona sweswo. A lwela Vutomi! Kutani endzhaku kaloko nyimpi yi herile, kutani Xikwembu xi mi nyika Vuxona. Xexo i xilalelo xa Xona xa ntiyiso. Xinkwa nyana na swin'wana swo nameketa ntsena a swi yimela Xona. A wu fanelanga u xi teka handle kaloko u xi lwerile nakona u va xiphemu xa Xikwembu.

<sup>107</sup> Tsundzukani, eka lowu nkarhi, xilalelo a xi nga se tshama xi sunguriwa, a xi ngari kona ku nga se fika rifu ra Yesu Kreste, madzana na madzana na madzana ya malembe loko ma hundzile.

<sup>108</sup> Kambe Melkisedek, endzhaku kaloko n'wana wa Xona Abraham a tava a hlurile, Melkisedek u hlanganile na yena a n'wi nyika vhinyo na xinkwa; ku kombisa leswaku loko nyimpi leyi ya laha misaveni yi herile, hi ta hlangana na Yena ematilweni hi tlhela hi teka xilalelo nakambe. Xi tava xi ri xa Nkhuvu wa Vukati. "A Ndzi nge he nwi vhinyo yo tala, kumbe

ku dya muhandzu, ku kondza Ndzi wu dya niku yi nwa na n'wina, yi ri leyintshwa, eMfun'weni wa Tatana wa Mina." A hi swona xana?

<sup>109</sup> Lemukani nakambe, Melkisedek u yile a ya hlangana na Abraham a nge se tlhelela ekaya. I xifananiso xo saseka njhani lahawani hi nga na xona! Melkisedek a hlangana na Abraham a nge se tlhelela ekaya, endzhaku ka nyimpi.

Hi ta hlangana na Yesu empfhukeni, hi nga se fika eKaya. Sweswo hi swona. Vatesalonika va Vumbirhi yi hi byela sweswo, leswaku, "hi ta nhlanguana na Yena empfhukeni." Xifananiso xa kahle xa loko Rebekah a hlangana na Isak, ensin'wini, hi siku leri ri nga hola. "Hi hlangana na Yena emoyeni." Vatesalonika va Vumbirhi yi hi byela tano. "Leswaku hina hi hanyaka hi ngaka hi nga siveli kumbe ku rhangela lava va nga etlela; hikuva mhalambala ya Xikwembu yi ta twakala; lava va feleke eka Kreste va ta rhanga va pfuka; hina hi hanyaka hi nga sala hi tlandlukisiwa xikan'we na vona, ku ya hlangana na Hosi empfhukeni." Hi ku hetiseka, hinkwaswo swi fananiso leswi.

<sup>110</sup> Swingaleswi, miri wa tilo, loko mi file kutani mi nghena eka miri wa tilo walowo, (ku humelela yini xana?) miri wa tilo wu ta emisaveni ku ta teka miri lowu wu nga kutsuriwa. Nakona loko miri lahawani empfhukeni, mi teka miri ku ta hlangana na miri wa tilo, kwalaho mi nga kona, "mi vutleriwela ehenhla, kutani mi ya mi ya hlangana na Hosi empfhukeni."

<sup>111</sup> I mani Melkisedek loyi handle ka Xikwembu!

<sup>112</sup> Sweswi ha swivona a rivaleni ku hetiseka ka xihundla xa vutomi bya hina erendzweni, na rifu, ni laha hi yaka kona endzhaku kaloko hi file. Nakambe, ku hlawuriwa ko rhanga ku le rivaleni lahawani. Sweswi yingiselani loko ha ha swi dyondzisa leswi, hi vurhon'wana.

<sup>113</sup> Swiyimo swa—swa xikongomelo xa Xona xa laha ku nga Heriki loku a kuri eka xihundla xa Xona sweswi xi paluxiwile. Lemukani, ka hari na swiyimo swinharhu kuya eka ku hetiseka. Ntsena tani hiloko Xi kutsula misava; i ndlela yin'we tani hiloko Xi kutsula Kereke ya Xona. Xi kutsula vanhu eka swiyimo swinharhu. Sweswi langutani. Xo sungula i kuva hi lulama, tani hilaha Luther a nga chumayela; xa vumbirhi, hi kwetsima, tani hilaha Wesley a nga chumayela; xa vunharhu, i nkhuwulo wa Moya lowo Kwetsima. Hi swona sweswo. Kutani ku landzela ku Tlandluka!

<sup>114</sup> Sweswi, misava, xana Xi yi kutsule njhani misava? Xo sungula, leswi Xi nga swi endla, loko yi dyohile, Xi yi hlantswile hi nkhuwulo wa mati. Hi swona sweswo. Kutani Xi thonisela Ngati ya Xona ehenhleri ka yona, kusuka exihambanweni, xi yi kwetsimisa kutani xi yi vitana leyi yi nga ya Xona N'winyi. Nakona xana Xi endlile yini? Tani

hiloko Xi handzula misava hinkwayo yi huma eka n'wina, xi pfuxeta nchumu hinkwawo hi vuntshwa hi nkhuvelo wa ndzilo wa Moya lowo Kwetsima, nakambe Xi ta tlhela xi pfuxeta hi vuntshwa misava. Nakona yi ta hisiwa hi Ndzilo, kutani xi basisa xitsongwa-tsongwani xin'wana na xin'wana, ku ringana mamiliyoni ya timayili hi kuya ehenhla, hinkwaswo swi tava swi basisiwile. Kutani kuva na Matilo lama Ntshwa na Misava leyi Ntshwa, ntsena tani hilaha mi nga swivumbiwa leswi ntshwa eka Krete Yesu loko Moya lowo Kwetsima wu ta mi khoma. Wa vona, kwalaho mi nga kona, nchumu hinkwawo ntsena wu va erivaleni tani hilaha wu nga vaka ha kona. Hinkwaswo swi le ka nharhu.

<sup>115</sup> Ku tswariwa ka ntumbuluko ku hi ka nharhu. Xana xo sungula ku humelela i yini eka wansati loko a tava na n'wana? I ncini lexi xi sungulaka xi huma kusungula? Mati. Ku landzela yini xana? Ngati. Ku landzela swihi? Vutomi. Mati, ngati, moya.

Xana ku humelela yini eka ximilani? Xa bola. Xana ku landzela yini? Rimhandi. Ku landzela yini? Xichocho. Ku landzela yini? Xikamba. Kutani mbewu yi ta yi huma eka xona. Ntsena swiyimo swinharhu swa xona, ku fikela laha xivaka ndoho. Hi swona sweswo.

<sup>116</sup> Xikwembu xa swi tiyisisa sweswo. Sweswo swi kahle minkarhi hinkwayo. Xikwembu xa switiyisisa leswaku swi ntiyiso. Xi swikombisa erivaleni, loyi a nga hlawuriwa khale hi yena a ri yexe loyi a tekeriwaka enhlokweni eka ku kutsuriwa. Ma swi kuma xana? Mi nge ndzi swivula nakambe sweswo. Loyi a nga hlawuriwa khale hi yena a tekeriwaka enhlokweni eka ku kutsuriwa. Vanhu a nga hava va tiendlisa tano, va ehleketa leswaku va tano, kambe ku kutsula ka ntiyiso i ka lava va nga hlawuriwa khale. Hikuva, rito leri ri fanaka ra ku *kutsula* ri vula “ku vuyerisela endzhaku.” A hi swona xana? Ku *kutsula* hi swin'wana... Ku *kutsula* hinkwaswo, i ku, “ku vuyerisela endzhaku eka ndhawu ya swona yo sungula.” Haleluya! Swingaleswi hi lava va nga hlawuriwa khale va nga ta vuyerisiwela endzhaku, hikuva lavan'wana a va humi kona Lahaya. Wa vona, “ku vuyerisela endzhaku!”

<sup>117</sup> Kuva lava hi nga Heriki na Xona, emasunguleni... Vutomi lebyi nga Heriki lebyi u nga na byona, mianakanyo ya Xona ya leswi a wu ri xiswona, ntsena, Xi mi lava mi... Xi ndzi lavile leswaku ndzi yima a phulphitini, ndzi vula. Xi mi lavile leswaku mi tshama axitulwini vusiku lebyi. Swingaleswi hi tirhela xikongomelo xa Xona lexi nga Heriki. Kutani hi un'wana loyi a nga sukela kaya ra yena, a ta ntsena emisaveni ku ta tirhela xikongomelo xa Xona. A hi swona xana? Hi swona. Kutani, endzhaku kaloko swi herile, wu vuyerisiwela endzhaku eka xiyimo lexi xi kwetsimaka xa wona; wu vupfile wu tlhela wu vuyerisiwela endzhaku nakambe.

118 A swi hlamarisi loko Paul a nga ha ku, loko va ha ri eku akeni ka bloko yo n'wi chotelela kona nhloko; u teri, "Wena rifu, ndzhombho wa wena wu le kwihl? Wena sirha, kuhlula ka wena kule kwihl? Kambe a ku khensiwe Xikwembu Lexi xi hi nyikaka ku hlula ka xona!" A ku, "Rifu, ndzi byeli laha u nga ta ndzi endla leswaku ndzi huwelela! Sirha, ndzi byeli hilaha u nga ta ndzi khomisa xiswona! Hikuva, ndzi mukhomi wa Vutomi lebyi nga Heriki." Amen! U swi lemukile. Rifu, tihele, sirha, ku hava lexi xi nga n'wi khomaka. Nakona ku hava lexi xi nga hi vavisaka, hi na Vutomi lebyi nga Heriki! U swi lemukile leswaku hi na Vutomi lebyi nga Heriki.

119 Ntsena ku kotisa thonsi ra mberha. Loko ndzi swi twisisa, i. . . A ndzi tivi ngopfu hi khemistri. Kambe, swi fanele kuri sweswo swa—swa ku tiya ka ndzhongho wa le henhla kumbe xibakabaka. Kutani loko vusiku byi kuma ku titimela byi va munyama, ra wa kusuka ematilweni ri wela ehenhleri ka misava. Ri wa ri suka kun'wana. Kambe hi mixo lowu wu landzelaka loko dyambu ri nga se huma, yi va yi ri kwalahaya, nakulorhi lontsongo, ri rhurhumela hi xirhami. Kambe pfumelela ntsena dyambu ri huma, ri languti loko ri ya eku tlhaveni. Ra tsaka. Hikokwalaho ka yini? Dyambu ri ya eku ri vitaneni leswaku ri tlhelela endzhaku laha ri humaka kona.

Kutani ya leyo hi yona ndlela leyi yi nga na Mukreste. Haleluya! Ha swi tiva loko hi famba eVukoneni bya Xikwembu, swin'wana leswi swi nga endzeni ka hina swa hi byela leswaku hi huma kun'wana, nakona hi tlhelela endzhaku nakambe hi Matimba lawa ya hi kokaka.

120 Nthonsi nyana ra mberha, wa phatima a hatima a huwelela, hikuva wa swi tiva leswaku u ta a huma kwalahaya, nakona dyambu lero ri ta n'wi tshuneta a tlhelela endzhaku nakambe.

Kutani munhu loyi a nga vuyimelo bya Xikwembu, a nga tswariwa hi Xikwembu, wa switiva, haleluya, loko a ta a ta ti hlanganisa na N'wana wa Xikwembu, u ta tshunetiwa kusuka lahawani siku rin'wana. "Hikuva loko Ndzi tlakusiwa kusuka emisaveni, Ndzi ta tshuneta vanhu hinkwavo va ta eka Mina." Amen!

121 Sweswi lemukani, sweswi, ha n'wi vona Melkisedek ni leswaku hikokwalaho ka yini Maria a ngari manana wa Yena. Hi xona xivangelo xa kuva A n'wi vitanile "wansati," ku ngari *manana*. "A ngari na tatana," hikuva hi Yena loyi a ri Tatana, Tatana loyi a tshamaka a ri kona, loyi a nga swinharhu eka Xin'we. "A ngari na manana," hakunene a ngari tano. A ngari na tatana, hikuva Yena a ri Tatana. Tani hilaha muphati a nga tshama a vula nkarhi wun'wana, a vulavula hi ku ndhundhuzela lokukulu eka Yesu, a ku:

HI MINA loyi a nga vulavula na Muxe  
 exihlahleni xa ndzilo lexi a xi pfurha,  
 HI MINA Xikwembu xa Abraham, Nyeleti  
 leyi yi Vangamaka ya ni Mixo.  
 HI MINA Alfa, Omega, kusungula nale  
 makumu.  
 HI MINA ntumbuluko hinkwawo, nakona  
 Yesu i Vito. (Hi swona sweswo.)  
 Oho, xana n'wina mi ri Ndzi mani, nakona va  
 ri Ndzi huma kwihi,  
 Xana ma n'wi tiva Tatana wa Mina,  
 kumbe mi nga ri vula Vito ra Yena xana?  
 (Haleluya!)

<sup>122</sup> Rero hi rona Vito ra Tatana! Ina, “Ndzi tile hi Vito ra Tatana wa Mina, kutani a mi Ndzi amukelangi.” Wa vona? Hakunene, wa ha ri Yena wa tolo, namuntlha, ni hilaha ku nga heriki.

<sup>123</sup> Nakona Melkisedek loyi u vile nyama. U tipaluxile hi Yexe tani hi N'wana wa munhu loko Yena a ta, tani hi Muprofeta. U tile hi mavito ya nharhu ya N'wana; ku nga N'wana wa munhu, N'wana wa Xikwembu, N'wana wa Davida.

<sup>124</sup> Loko A ha ri lahawani emisaveni, A ri Munhu, ku ta hetisisa Matsalwa. Muxe u teri, “Hosi Xikwembu xa n'wina xi ta mi pfluxela Muprofeta ka kotisa mina.” Swingaleswi A fanele ku ta tani hi Muprofeta. A nga kalanga, a nga vulanga a ku, “Ndzi N'wana wa Xikwembu.” U teri, “Ndzi N'wana wa munhu. Ma n'wi pfumela leswaku a ri N'wana wa munhu xana?” Hikuva, sweswo hi leswi A fanele ku mbhonyela hi swona, hikuva sweswo hi leswi Yena a ri xiswona.

Sweswi U ta hi Vito rin'wana ra n'wana, N'wana wa Xikwembu; loyi a nga voniwiki, ku nga Moya.

Kutani loko A tlhela a vuya nakambe, U tava N'wana wa Davida, loko a ta tshama exiluveweni xa Yena.

<sup>125</sup> Sweswi loko A ha ri lahawani nakona a ti endlile nyama, U vitaniwile, “N'wana wa munhu.” Sweswi, xana U ti endle njhani yena hi Yexe leswaku a tiveka eka misava tani hi N'wana wa munhu, loyi a nga Muprofeta xana?

<sup>126</sup> Siku rin'wana a ndzi ri eku vuleni ka xitorhi xa Petro na Andrew, makwenu wa yena. A va ri va phasi va tinhlampfi, nakona tata wa vona Yonas a ri mupfumeri lonkulu wa khale. Siku rin'wana va teri u tshamile ehansi etlhelo ka byatso. A ku, “Majaha, ma switiva leswaku hi khongele njhani loko hi tava hi ri karhi hi lava tinhlampfi.” A va ri vaphasi va tinhlampfi vo tinyiketela. U teri, “Hi tshembhele eka Xikwembu, Yehovha, eka ku hanya ka hina. Nakona na khalabya sweswi; a ndzi nge he swikoti ku tshama na n'wina majaha nkarhi wo leha. Nakona minkarhi hinkwayo, tani hi hina hinkwerhu vapfumeri va ntiyiso, hi langutele nkarhi

lowu Mesiya a nga ta ta ha wona. Hi vile na wona maendlelo hinkwawo ya lava va mavunwa, kambe ku ta Un'wana wa ntiyiso, siku rin'wana." Hiloko a ku, "Loko Mesiya loyi a ta ta, a ndzi swilavi leswaku n'wina majaha mi xisiwa. Mesiya loyi a ngevi ntsena wa ntivo-vukwembu. U tava Muprofeta, hikuva muprofeta wa hina Muxe, loyi hi n'wi landzaka, u vule tano."

Sweswi, Muyuda un'wana na un'wana u ta pfumela muprofeta wa yena. U dyondzisiwile ku tiva sweswo. Kutani loko muprofeta a vula swin'wana leswi swi nga swona, kutani walowo i ntiyiso. Kambe Xikwembu xi teri, "Loko kuri na un'wana exikarhi ka n'wina, wa ximoya, kumbe muprofeta, Mina Hosi ndzi ta ti tivisa hi Ndzexe eka yena. Kutani leswi a nga ta swivula swi ta humelela, kutani n'wi yingiseni mi n'wi chava; kambe loko swi ngari tano, kutani mi nga n'wi chavi." Wa vona? Swingaleswi sweswo a—a kuri ku tiyisisiwa ka muprofeta.

<sup>127</sup> "Swingaleswi Muxe a ri muprofeta loyi a tiyisisiwaile hi ntiyiso, hiloko a ku, 'Hosi Xikwembu xa n'wina xi ta mi pfuxela, exikarhi ka n'wina, loyi a humaka eka n'wina vamakwerhu, Muprofeta loyi a kotisaka mina. Kutani hinkwawo lava va nga taka va nga n'wi yingisi va ta tsemiwa va suka evanhwini.'" U teri, "Sweswi, vana, tsundzukani, leswaku, tani hi Vaheveru, hi pfumela eka vaprofeta lava va nga tiyisisiwa hi Xikwembu."

Sweswi yingiselani swinene. Mi nga swi hupi. Hiloko a ku, "Loko Mesiya a ta, mi ta N'wi tiva, hikuva U tava a ri Mesiya wa Muprofeta. Sweswi, va teri kuringana mune wa madzana wa malembe. A hi kalanga hi va na muprofeta kusukela eka Malakiya, kambe u tava kona!"

<sup>128</sup> Siku rin'wana, endzhaku ka rifu ra yena, malembe mantsongo, n'wana wa yena wa xinuna Andrew a ri karhi a jika-jika etlhelo ka ribuwa. Kutani a twa munhu wa nhova a ri emananga, a ku, "Mesiya ya loye u yimile exikarhi ka n'wina sweswi!" Gama lero lerikulu leri ri nga pfuka emananga ri hahela kwalahaya, a ku, "Mesiya u le xikarhi ka n'wina sweswi. A hi se N'wi tiva sweswi, kambe U yimile exikarhi ka n'wina. Ndzi ta N'wi tiva, hikuva ndzi ta vona sayini leyi yi humaka eTilweni."

Siku rin'wana u teri, "Kwalahaya, vonani, i Xinyimpfana xa Xikwembu lexi xi susaka vudyoho bya misava!"

U vuye a famba...wanuna loyi, ku ya kuma makwenu wa yena. A ku, "Simon, ndzi ku lava u ta lahawani; hi kume Mesiya."

"Oho, yana emahlweni, Andrew! U tiva ku antswa kutlula kwalaho!"

"Oho, ndza switiva. Kambe, leswaku, Wanuna loyi u hambanile."



“U kwihi Yena? U ta a huma kwihi?”

“I Yesu wa Nazareta.”

“Xidorobani nyana xexo, xo biha? Hikokwalaho ka yini, A nga fanelanga a huma eka ro biha, ndhawu yo thyaka yo kotisa ya leyo.”

“Wena wo ta u ta vona.”

<sup>129</sup> Ekuheteleleni u n’wi kombele ku ta siku rin’wana. Swingaleswi loko a ta emahlweni ya Mesiya loyi, Yesu a yimile lahaya, a ri karhi a vulavula na vanhu. Loko a famba emahlweni ka Yena, U teri, “Vito ra wena i Simon, nakona u n’wana wa Yonas.” Sweswo swi swi endlile. U na swikhiya swa Mfumo. Hikokwalaho ka yini? A switiva leswaku Munhu ya loye a nga n’wi tivi. Nakona U n’wi tivise ku yini, kutani tatana wa yena wa mudyuhari wa mukhongeri loyi a nga n’wi dyondzisa hi leswaku Mesiya u pfumerisiwa ku yini?

<sup>130</sup> A kuri na munhu loyi a yimile lahaya, hi vito ra Filipi. Oho, u vile na nyanyuko hakunene! A tiva munhu un’wana, loyi a hlaya Bible na yena. U vuye a famba, a rhendzeleka hi xiganga, kutani a n’wi kuma kwalahaya eka xihlahla nyana xa mutlhwari. A khizamile ehansi, a ri eku khongeleni. Va vile na tidyondzo to tala ta Bible kun’we, swingaleswi u humile kwalahaya. Hiloko a ku, endzhaku kaloko a hetile ku khongela, u teri, “Tana, u ta vona Loyi hi nga n’wi kuma; Yesu wa Nazareta, n’wana wa Yosefa. Hi Yena Mesiya loyi hi nga n’wi langutela.”

Sweswi ndzi nga ha n’wi twa Nathanael loko a ku, “Sweswi, Filipi, a wu se nghena exidziveni, a hi swona?”

<sup>131</sup> “Oho, ee. Hayi. Sweswi u nge ndzi ku byela. Wa switiva, a hi hlaya swin’we Bible, nakona muprofeta u teri Mesiya u tava a ri wa njhani?”

“U tava a ri Muprofeta.”

“Wa n’wi tsundzuka muphasi ya loye wa tinhlampfi wa mudyuhari u nga xava hlampfi eka yena, loyi a nga dyondzanga ngopfu loyi a tsandzeka niku tsala vito ra yena, loyi a vitaniwaka Simon?”

“Ina. Ahaa.”

<sup>132</sup> “U tile. Nakona wa switiva leswaku i yini? Yesu loyi wa Nazareta u n’wi byerile leswaku vito ra yena i Simon, a cinca vito ra yena riya eka Petro, laha ku nga ‘xiribyana’ a tlhela a n’wi byela leswaku papa wa yena i mani.”

“Kunene,” u teri—u teri, “A ndzi swi tivi. Xana ku ngava ni leswinene leswi swi humaka eNazareta xana?”

<sup>133</sup> A ku, “U nge hi nga vulavuli hi swona; ntsena wo ta u ta vona.” Ya leyo i miehleketo ya kahle, “Tana u ta vona.”

Swingaleswi hi loyi Filipi a taka, a tisa Nathanael. Kutani loko a ha ta, Yesu nkarhi wun’wana a yima, a vulavula,

kumbexani a khongelela vavabyi eka layini ya xikhongelo. Kutani loko a fika laha a kuri na Yesu, Yesu a n'wi languta, a ku, "Vonani Muisrael loyi eka yena ku nga riki na xisandzu."

<sup>134</sup> Sweswi, mi ri, "Kunene, i ndlela leyi a nga ambarisa xiswona." Oho, ee. Hinkwavo va le vuxeni vaambala ku fana. A nga hava Musiriya, kumbe a va swin'wana; a ri na malebvu, nguvu.

<sup>135</sup> U teri, "Vonana Muisrael loyi eka yena ku nga riki na xisandzu," hi marito man'wana, "wo tshembheka, munhu latshembhekeke."

Kunene, muxaka walowo wa Nathanael la nga huma endleleni. Hiloko a ku, "Rabi," laha swivulaka leswaku, "mudyondzisi." "Rabi, U ndzi tive rini? U swi tivise ku yini leswaku ndzi Muyuda? U swi tivise ku yini leswaku ndzi tshembhekile, ku ri hava xisandzu?"

<sup>136</sup> A ku, "Loko Filipi a nge se ku vitana, loko wa hari ehansi ka murhi, Ndzi ku vonile." Ah! Khume ntlhanu wa timayili ekule, eka tlhelo lerin'wana ra tiko, hi xa tolo.

Xana u te yini? "Rabi, U N'wana wa Xikwembu. U Hosi ya Israel!"

<sup>137</sup> Kambe lahaya a ku yimile vaprista lava kwalahaya, lava va nga na xitayeke xa vona, lava va nga khomelela eka swa vona, va ku, "Munhu Loyi i Beelzebub, xingomatanda."

Yesu a ku, "Ndzi ta mi rivalela eka sweswo."

<sup>138</sup> Sweswi, tsundzukani, a va nga swivulanga va rhasa, kambe va swivula etimbilwini ta vona. "Kutani U vonisisile mianakanyo ya vona." Hi swona sweswo. Sweswo hi leswi Bibeke yi swivulaka. Swi vitani ku *hlangana nhloko* loko u swi lava, kambe U—U vonisisile mianakanyo ya vona.

<sup>139</sup> Hiloko A ku, "Ndza mi rivalela eka sweswo. Kambe siku rin'wana Moya lowo Kwetsima wu ta ta wu ta endla swo fana," endzhaku kaloko Yena a tava a fambile; "ku vulavula rito ro lwisana na Wona, u ngaka u nga rivaleriwi eka misava leyi kumbe eka misava leyi yi nga ta ta." A hi swona xana? [Nhlengeletano yi ku, "Amen."—Muhleri.] Sweswi, valava a va ri Vayuda.

Kutani siku rin'wana U vile na xilaveko xo ya eSamariya. Kambe hi nge se swi endla sweswo, hi kuma wansati, kumbe . . .

<sup>140</sup> Wanuna, tani hiloko a ha nghena hi nyangwa lowu wu yuriwaka wo Saseka, lowu a nga hanyisiwa kona. Nakona Yesu a tiva xiyimo xa yena, kutani a n'wi byela, "Tekka sangu ra wena u ya ekaya." Nakona u swi endlile, kutani a va kahle.

Kutani hi kuma leswaku, Mayuda, van'wana va vona va N'wi amukerile. Van'wana va swi amukela; van'wana a va

pfumelanga. Hikokwalaho ka yini va nga swi pfumelanga xana? A va nga hlawuleriwanga Vutomi. A va ngari xiphemu xa vuyimelo.

<sup>141</sup> Sweswi tsundzukani, a va ri vaprista ni vavanuna lavakulu. Kutani Yesu . . . Ehleketa hi vantivo-vukhongereri lava na vaprista, vavanuna lava u nga taka u nga kumi xihoxo eka vutomi bya vona. Yesu u teri, “Mi huma eka tata wa n’wina javulosi, mi endla na mintirho ya yena.” A ku, “Loko mi huma eka Xikwembu, a mi tava mi Ndzi pfumerile. Loko mi nga Ndzi pfumeli, pfumelani—pfumelani mintirho leyi Ndzi yi endlaka; yi vula vumbhoni bya leswaku Ndzi Mani.”

<sup>142</sup> Sweswi, Bibeke yi teri, leswaku, “Yesu wa ha ri yena wa tolo, namuntlha, ni hilaha ku nga heriki.” Yesu u teri, “Mintirho leyi Ndzi yi endlaka mi ta yi endlalo yi a pfumelaka eka Mina.” Hi swona sweswo? Lemukani, ya loye a ri Melkisedek wa ntiyiso sweswi.

<sup>143</sup> Sweswi lemukani, nakambe, a kuri na tinxaka tinharhu ta vanhu.

Mi ndzi twile ndzi vula leswaku a ndzi ri munhu loyi a ndzi ava vanhu. Ndzi tano. Vakreste hinkwavo hi lava va avaka; ku ngari xihlawu-hlawu xa kuya hi muhlovo, kambe ku ava hi moya. Muhlovo wa hlonge ya munhu a swi na ntirho na yena. U n’wana wa Xikwembu hi ku Tswariwa. Kambe Mukreste, Xikwembu xi teri, “Tiavele Mina!” “Huma exikarhini ka vona,” na kuya emahlweni. A ri miavi, wa swa thyaka, exikarhi ka leswinene ni leswi swi nga hoxeka.

<sup>144</sup> Kambe lemukani, va na ku avana kwalaho, ku avana ku ya hi rixaka, laha a kuri Masamariya.

Nakona ku na tinxaka tinharhu ta vanhu ntsena laha misaveni; loko hi pfumela Bibeke; valava i, Ham, Shem, na vanhu va Yafet. Valava i majaha manharhu ya Nowa. Hinkwerhu hi tlurhuka kwalahaya. Hi swona sweswo. Sweswo swi hi endla hinkwerhu hi tthelela endzhaku eka Adam, leswi swi hi endlaka leswaku hinkwerhu hi va vamakwerhu. Bibeke yi teri, “Hi ngati yi ri yin’we Xikwembu xi tumbuluxile matiko hinkwawo.” Hinkwerhu hi vamakwerhu, hi xinambyana xa ngati. Munhu wa mukhaladi a nga ha nyika ngati eka munhu wo basa, kumbe swifambisana hi ndlela ya leyo. Munhu wo basa a nga ha—ha nyika Mujapani, munhu wa ritshopi, kumbe Mukula, munhu wo tshwuka, kumbe van’wana, kumbe wa Muyafete, kumbe un’wana, a nga ha n’wi nyika ngati, hikuva hinkwerhu hi va ngati yin’we. Muhlovo wa nhlonge ya hina, laha hi hanyaka kona, a swi kali swi pfuna nchumu.

Kambe loko hi avanile, hiloko hi ta hi huma emisaveni, tani hiloko Xi humesa Israel ri huma eEgipta. Kwalaho hilaha hi nga avana hi suka eka swilo swa misava.

<sup>145</sup> Sweswi, a va ri Ham, Shem, na vanhu va Yafet. Loko hi ngava na nkarhi wo landzelerisa rixaka ku tlhelela endzhaku, mi nga ha vona Anglo-Saxon, laha a humaka kona. Sweswi, ya loye a ri Muyuda. . . Masamariya, laha ku nga hafu ya Muyuda na Vamatiko, lava va nga tekana na Vamatiko eka maendlelo ya Baalam, na Moab. A va ri Masamariya. Nakona ku na Vayuda na Vamatiko.

Sweswi, hina va Anglo-Saxon ku hava lexi hi nga xi endlaka ha swona. A hi kali hi pfumela eka Mesiya, hambu kuri swin'wana. Nakona a hi langutelanga na un'we. Hi ngenisiwile endzhaku ka sweswo.

Yesu u tela lava va nga va Yena N'winyi, nakona lava va nga va Yena N'winyi a va N'wi amukelanga. Hiloko A ku eka vadyondzisiwa va Yena, "Mi nga fambi hi ndlela ya Vamatiko, kambe mi famba kumbe kuya eka nyimpfu leyi yi nga lahleka ya Israel." Nakona U yile ntsena eka nyimpfu leyi nga lahleka ya Israel. Kutani langutani, U tivonakarisiile hi Yexe tani hi N'wana wa munhu, emahlweni ka Vayuda. Va Ri tekele ehansi.

Sweswi, Masamariya, kuva va ri hafu ya Muyuda na Vamatiko, a va pfumela na vona, nakona a va langutele Mesiya.

A hi ngari tano. A hi ri vahedeni, na titlilaba ta hina endzhaku, hi ri karhi hi khinsamela swikwembu; swa Vamatiko.

<sup>146</sup> Kambe siku rin'wana, Mukwetsimi Yohana 4, A lava ku famba hi le Samariya, eka ndlela ya Yena yo ya eYeriko. Kambe u fambile a fika a rhendzeleka hi Samariya. Kutani loko A ya kwalahaya, U tshamile etlhelo ka xihlovo lexi a xi ri ehandle ka muti lowu wu vuriwaka Sikar. Kutani xihlovo, loko u tshame u va kwalahaya, i xa rhandavula nyana wo voyama kukotisa lowu wu nga lahawani. Nakona a kuri na xihlovo xa mani na mani lahaya, xa mati, laha hinkwavo a va ta. Kutani vavasati a va ta ka ha ri na mixo, va ta ka timbita ta vona ta mati, va ti rhwala etinhlokweni ta vona, kutani yin'wana va yi xingile kunene, kutani va famba na yona va lo thwi tani hilaha va swi endleke, a ku kalanga ku nga halaka na thonsi; va ri karhi va vulavula. Swingaleswi, va nga ha ta, vanhu va nga ha ta va huma kwalahaya.

<sup>147</sup> Leswi a swi ri swa kwalomu ka awara ya khume n'we na nhlikanhi. Swingaleswi U rhumerile vadyondzisiwa va Yena edorobeni, ku ya xava swo miyeta nyoka, swakudya. Kutani loko va ha fambile. . .

<sup>148</sup> A kuri na wansati loyi a dume hi vuvabyi. Hi nga ha n'wi vitana, namuntlha, leswaku i wansati wa rivoni ro tshwuka, kumbe ngwavavani. A ri na vavanuna votala. Swingaleswi loko Yesu a ha tshamile kwalahaya, wansati loyi u te hi

kwalomu ka awara ya khume n'we. Wa vona, a nga tanga na tintombhi leti ti nga tiviki vavanuna loko va ta na mixo ku ta ka mati yo hlantswa ya vona; a fanele a yimile ku fikela laha hinkwavo. . . A va nga hlanganani tani hilaha va swi endlaka sweswi. A tiveka. Swingaleswi, u tile a ta ka mati, swingaleswi ntsena u ti tekerile rileke ra xikhale ro pfumala xo khoma, kutani a vekela swo haka eka rileke, a sungula ku ri yisa ehansi.

U twe Un'wana a ku, "Wansati, ndzi keke Ndzi nwa." Sweswi, tsundzukani, loyi hi yena Melkisedek. Loyi hi yena Yesu, tolo, a ri N'wana wa munhu.

<sup>149</sup> Hiloko a halahala, kutani a vona Muyuda. Swingaleswi a ku, "Nkulukumba, a swi lulamanga eka Muyuda ku kombela swin'wana na swin'wana eka Musamariya. Ndzi wansati wa Musamariya, swingaleswi U vulavule u huma endhawini ya Wena. A wu nga fanelanga u ndzi kombela swo fana ni sweswo. A hi na ntirhisano."

<sup>150</sup> A ku, "Kambe loko a wu switiva leswaku u vulavula na Mani, hi wena a wu ta Ndzi kombela mati."

A ku, "A wu ta makisa ku yini xana? Hikuva xihlovo xi entile, nakona U hava xoka hi xona."

<sup>151</sup> A ku, "Mati lama Ndzi ma nyikaka i Mati ya Vutomi, ma nga eka ximbyari-mbyari xa Vutomi lebyi nga Heriki."

U vulavurile na Yena ku kondza A kuma xiyimo xa yena leswaku a xi ri xihl. Nakona i. . . Langutani leswi A nga swi vula eka yena sweswi, "Famba u ya teka nuna wa wena u ta na yena lahawani."

Hiloko a ku, "A ndzi na nuna."

<sup>152</sup> A ku, "U vule ntiyiso, hikuva u vile na ntlhanu wa vona, ni loyi u tshamaka na yena sweswi a hi wa wena. Swingaleswi, eka leswi, u vule ntiyiso."

Langutani ku hambana exikarhi ka wansati ya loye na ntlawa walowo wa vaprista. A tiva ngopfu hi Xikwembu ku tlula ntlawa walowo wa vaprista, va vekiwe kun'we.

<sup>153</sup> A ku, "Nkulukumba, ndza switwisisa leswaku U Muprofeta." A ku, "A hi kalanga hi va na yena kuringana mune wa madzana ya malembe. Sweswi, ha switiva leswaku Mesiya wa ta. Loko Mesiya a fika, sweswo hi leswi A nga ta swi endla." Yaleywa ya yi ri sayini ya Mesiya, hikuva A ri N'wana wa munhu. A ku, "Sweswo hi leswi A nga ta swi endla loko A ta. U fanele U ri muprofeta wa Xona."

<sup>154</sup> A ku, "Ndzi Yena." Ku hava na un'we a nga swi vulaka sweswo.

<sup>155</sup> A rhula khuwani ra yena a tsutsumela a mutini, a fika a ku, "Tanani, mi ta vona Munhu Loyi a ndzi byeleke leswi ndzi nga swi endla. Xana a hi yena Mesiya xana?"

Sweswi tsundzukani, U tshembhise ku endla swo fana emakun'wini ya rixaka ra Vamatiko.

Mayuda a vari na mune wa magidi wa malembe yo langutela Mesiya ya loye, mune wa magidi yo dyondzisa leswaku U le ku vuyeni, ni leswi A nga ta swi endla loko A fika lahaya, nakona va hlulekile ku N'wi vona, kumbe ku tsandzeka ku swi lemuka. Kutani loko A tava a ti tivisile hi Yexe eka minkarhi ya Bibe le ya leyi leswi A nga ta swi endla Yena, loko A ha ri miri wa tilo kutani a va nyama a tshama exikarhini xa vona, va hlulekile ku swi vona, va tlhela va vula mintirho ya Yena leswaku i mintirho ya javulosi.

<sup>156</sup> Sweswi hi vile na magidi mbirhi wa malembe yo dyondzisa, ma ta ma huma eka kereke ya Roman Catholic, endzhaku ka vaapostola. Kutani hi ta hi Roman Catholic, ya Xigriki, ni kuya emahlweni, kuya ehansi eka nguva ya Luther, na Wesley, na tin'wana to tala, nkaye wa madzana ya minhlango leyi nga va kona. A vari na tona tinguva leti, va ri karhi va dyondzisa.

Sweswi U tshembhisile, ntsena loko ku nga se fika nkarhi wa makumu, leswaku xifaniso xa Sodoma na Gomora xi ta tlhela xi vuya, “Tani hilaha a swi ri emasikwini ya Sodoma, swi tava tano ekuteni ka nkarhi wa le makumu, N'wana wa munhu u ta ti paluxa hi Yexe nakambe.” [Xivati lexi nga riki na nchumu eka thepi—Muhleri.]

“Ku ngari kungani misava a yi nga ha Ndzi voni; kambe n'wina mi ta Ndzi vona, hikuva Mina,” riviti ra ximunhu, “Ndzi tava na n'wina, hambu kuri ku tshama na n'wina, ku ya fika eku herisiweni, emakumu ya misava. Ndzi tava Ndzi ri na n'wina.” Wa ha ri Yena wa tolo, namuntlha, ni hilaha ku nga heriki. Ma swi vona?

<sup>157</sup> Ma swi vona, a va ri tano *Masamariya*, kahlekahle, kusuka eka nchumayelo wa mina wa vusiku bya tolo, a ri Hagar, wa vona, xifananiso lexi xi nga encenyetiwa. Sarah a ri *Muyuda*, kumbe a ri Sarai. Kambe *Wamatiko* a ri Maria, Mbewu ya Vuhosi, Mbewu ya Abraham ya Vuhosi.

<sup>158</sup> Sweswi swi tshembhisiwile leswaku eka masiku lawa yo hetelela, leswaku, Xikwembu lexi xin'we, Krete loyi un'we, u ta tlhela a vuya lahawani a ta tipaluxa yena N'winyi tani hi N'wana wa munhu.

Hikokwalaho ka yini? Wa ha ri Yena wa tolo, namuntlha, ni hilaha ku nga heriki. Kutani loko A nga pfumelela Mayuda lava va famba ekusuhi na yena, a tlhela a va nyika sayini ya Mesiya, nakona a ta emakun'wini ya ku dyondzisa ka Vamatiko a tlhela a va pfumelela va famba eka ntivo-vukwembu, U tava a nga lulamanga. U fanele ku endla swo fana, hikuva Bibe le yi teri, eka khume nhar- . . . Vaheveru 13:8, “Wa ha fana.”

Nakona U tshembhisile eka Malakiya 4, na hinkwawo Matsalwa yo hambanana, leswaku, emasikwini ya makumu, kereke yi tava yi tshamise kufana kukotisa ntsena namuntlha, nakona misava yi tava yi ri tano.

<sup>159</sup> Langutani misava namuntlha. Langutani na xiyimo xa Sodoma. Langutani ku ninginika ka misava etindhawini to hambanana, na swilo leswi swi nga eku humeleleni. Langutani kereke eka thyaka leri yi nga eka rona, ra Babilona. Langutani eka murhumiwa wa swona, Oral Roberts na Billy Graham.

G-r-a-h-a-m, i ro sungula loko hi tava hi vile na murhumiwa, wa tikereke hinkwato, laha vito ra yena ri nga tshama ri hela hi h-a-m, kukotisa Abraham. A-b-r-a-h-a-m i maletere ya nkombo. G-r-a-h-a-m i maletere ya ntsevu. U le kwihi xana? Eka misava. Ntsevu i nambara ya munhu. Munhu u tumbuluxiwile hi siku ra vuntsevu. Kambe nkombo i nambara ya Xikwembu.

<sup>160</sup> Sweswi va langutani ehansi eSodoma. Kona kwalahaya ku na varhumiwa wa vona va vulavulaka na vona.

Kambe yi le kwihi Mbewu ya leyo ya vuhosi ya Abraham? Sayini ya vona yi le kwihi, leyi A nge teri? “Tani hilaha a swi ri emasikwini ya Sodoma,” laha Xikwembu xi nga xikela ehansi kutani xi ti vonakarisa enyameni, niku tlhela xi vula leswi Sarah a ri eku swi ehleketeni endzhaku embilwini ya yena, etendeni endzhaku ka Yena, sayini yo hetelela misava ya Vamatiko yi nga se hlaseriwa hi ndzilo. Kutani Kereke yi kumile sayini ya yona yo hetelela loko misava hinkwayo yi nga se hlaseriwa, mfumo lowu wa Vamatiko wu nga se hlaseriwa hi ndzilo na vukarhi bya Xikwembu. Ma swi pfumela sweswo xana? [Nhlengeletano yi ku, “Amen.”—Muhleri.]

<sup>161</sup> Melkisedek ya loye a ri enyameni, a tikombisa hi Yexe a ri emirini wa ximunhu; kutani endzhaku A ti endla nyama. Kutani sweswi, vusiku lebyi, wa hari Yena wa tolo, namuntlha, ni hilaha ku nga heriki. Ma swi pfumela xana? [Nhlengeletano yi ku, “Amen.”—Muhleri.]

<sup>162</sup> I mani Melkisedek loyi, kutani, ya loye wa hari yena wa tolo, namuntlha. . . . “A nga kalanga a va na tatana, a nga kalanga a va na manana; A nga kalanga a va na masungulo ya masiku, A nga kalanga a va na ku hela ka vutomi.” Nakona U hlenganile na Abraham, nakona i singita ra muxaka muni A ngari endla? Kutani loko A tiendlile nyama, U teri swi ta tlhela swi vuyelela nakambe loko ku nga se fika nkarhi wa makumu. Ma swi pfumela sweswo xana? [Nhlengeletano yi ku, “Amen.”—Muhleri.] Ndza swi pfumela. [“Amen.”]

A hi khongeleni.

<sup>163</sup> Xikwembu lexi rhandzekaka, ndza ya pfumela Matsalwa, lawa U nga vula leswaku hi Wena “wa tolo, namuntlha, ni hilaha ku nga heriki.” Nakona tani hi ku tshembheka embilwini ya mina, Hosi, ndza switiva leswaku swin’wana swi



tilulamiséla ku humelela. Ndzi ngaka ndzi nga swi kombisi hi ku swi kombeta. Ndza chava ku vula swin'wana na swin'wana, Hosi. Wena hi wena u tivaka mbilu ya nandza wa Wena.

<sup>164</sup> Nakona i minkarhi yingani, ehansi eka nguva loko U ta rhumela swilo, vanhu va tsandzekile ku swi kuma. Vanhu va ya emahlweni na ku dzunisa Xikwembu eka leswi Xi nga swi endla, ni ku vula swilo leswikulu leswi Xi yaka eku swi endleni, kambe va ri eku tsan'weni ka leswi Xi swi endlaka. Swingaleswi a swi ri tano enguveni. Hikokwalaho ka yini kereke ya Rhoma yi hlulekile ku vona Mukwetsimi Patrick tani hi muprofeta wa Xikwembu xana? Hikokwalaho ka yini va dlayile Joan of Arc loko a— a ri muprofeta wa xisati, va n'wi hisa tani hi noyi? Tatana, minkarhi hinkwayo swa hundza. Wa swi tumbeta emahlweni ya lavo tlhariha na mano. A swi hlamarisi loko U te eka vaprista va vona, “Mi sasekisa masirha ya vaprofeta, mi ri van'wana lava mi nga va nghenisa kona.” Endzhaku kaloko va fambile, va vona swihoxo swa vona. Minkarhi hinkwayo va ha Ku xanisa, Hosi, hi xivumbeko xin'wana na xin'wana lexi U taka hi xona.

<sup>165</sup> Ndza khongela, vusiku lebyi, Xikwembu, leswaku nkarhi wun'wana nakambe. Mundzuku hi ti pimanyeta kuva... ku ya eTucson. Swiphemu swin'wana swa misava, madoroba man'wana lawa hi bohekaka ku chumayela eka wona. Kambe, Xikwembu lexi Rhandzekaka, swi nga ha endleka ku ri ni lava va nga tshameki kona lahawani lava va nga se tshamaka va... Va matwile Marito ya chumayeriwa, kambe va nge se tshama va Ri vona ri vonakarisiwa.

Tani hilaha ndzi Ku kombeleke ekusunguleni. Loko vadyondzisiwa lava, Kleopa na munghana wa yena, va ta va huma eEmmaus, va ri karhi va famba endleleni, kutani U humile u suka enhoveni u sungula ku famba na vona, endzhaku kaloko u pfukile ekufeni, u va chumayilela. Hikokwalaho ka yini, U teri, “Vanhu lava nga twisisiki, va timbilu to hlwela ku twisisa. A mi switivi leswaku Kreste a fanerile ku twisiwa ku vaviseka koloku, kutani a nghena eku kwetsimani ka Yena xana?” Kambe hambi swi ri tano a va swi lemuki. Siku hinkwaro va fambe na Wena, hambi swi ri tano a va nga Ku tivi. Kambe vusiku byin'wana...

Vusiku byi vuye byi fika, va ku bohelele ku ta U ta nghena. Loko va ta nghena eka xihodelani va ya pfala ntimbati, kutani U endlile swin'wana ntsena hi ndlela leyi U nga yi endla U nga se vambiwa, nakona va swi lemukile leswaku i Kreste loyi a pfukeke. Hi xinkadyana A wu ri endzhaku ka makhethenisi u kumeka u fambile. Hi ku hatlisa va tsutsumile va ya byela vadyondzisiwa leswaku, “Hosi yi pfukile hakunene!”

<sup>166</sup> Tatana, Xikwembu, ndzi pfumela leswaku Wa ha hanya. Ndza swi tiva leswaku U kona. Nakona U swi khorwisile eka hina minkarhi yo tala. Xana U nga ha swi engeta nakambe eka

hina, Hosi? Loko hi nga kuma tintswalo emahlweni ya Wena, swi pfumeleli swi humelela nakambe. Ndzi nandza wa Wena; lava na vona i malandza ya Wena lava va nga lahawani. Hosi, hinkwaswo leswi ndzi nga swivula a swi nge tlhandlukele eka . . . Ntsena rito rin'we leri ri humaka eka Wena ri tava ri tlula lawa ndzi nga ya vula eka vusiku lebyi bya ntlhanu, kumbe mahungu ya ntlhanu. Ri tava ri tela, ntsena rito rin'we ro huma eka Wena. A Wu nge vulavuli, Hosi, leswaku vanhu va nga ha switiva leswaku ndzi va byerile Ntiyiso? Hi nyike swona, Xikwembu. Ndza swikombela hi Vito ra Yesu, leswaku leswi nakambe. Amen.

<sup>167</sup> Sweswi, a ndzi mi tivi. Ndzi tiva van'wana vanhu. Ndzi tiva jaha leri ri nga tshama *lahawani*. Ndzi tiva Bill Dauch loyi a nga tshama *lahaya*. Ndzi lava ku . . . Lahawani ku na Makwerhu Blair, Rodney Cox. Swa tika ku vona lahaya.

Eka tlhelo *leri*, sweswi eka lowu nkarhi a ndzi koti ku vona munhu, kahle-kahle, loyi ndzi n'wi tivaka.

<sup>168</sup> Sweswi i vangani lava va nga lahawani lava va switivaka leswaku a hi tivani? Yimisani mavoko ya n'wina, lava va switivaka leswaku a ndzi tivi nchumu ha n'wina, yimisa mavoko hi matlhelo ya ri mambirhi.

I vangani lava va nga lahawani lava va nga na swin'wana swo hoxeka, kumbe swin'wana leswi mi swi tivaka leswaku a ndzi tivi nchumu ha swona? Xana mi nga yimisela mavoko ya n'wina ehenhla.

Sweswi, swi tava hi ku hetiseka, hi ku hetiseka swi ngaka swi nga koteki eka mina leswaku ndzi tiva hinkwaswo ha n'wina. Handle ka swona, kutani, swi fanele ku ta swi huma eka nhlavutelo wun'wana wa Moya.

Kutani kuva sweswo ndzi mi byerile eka hinkwabyo vusiku lebyi, nakona vusiku bya namuntlha, leswaku A nga fangi; U kona lahawani, nakona u tshembhisile ku endla swo fana. Kutani a tshembhisa leswaku ku ta fika nkarhi emasikwini ya makumu, kuya hi Malakiya 4 na kuya hi Mukwetsimi Luka, leswaku U ta tlhela a humelela nakambe hi xivumbeko xa ximunhu exikarhini xa vanhu va Xona u ta endla swo fana, niku paluxa swo fana, sayini yaliya ya Mesiya. I vangani va switivaka sweswo, n'wina vahlayi va Bibebe, ma swi tiva leswaku walowo i Ntiyiso? Mi nge, "Amen." [Nhlengeletano yi ku, "Amen."—Muhleri.] Mi boheka kuva vahlayi va Bibebe hinkwerhu.

<sup>169</sup> Sweswi, ndza switiva leswaku i ririmi rimbe eka vanhu va namuntlha, kambe hambu swi ri tano i Ntiyiso. Xexo hi xona xivangelo va nga n'wi tivangiki Yesu wa Nazareta. A va tiva mikhuva ya kereke ya vona, kambe a va N'wi tivanga. Kambe U te hi ndlela leyi yi nga vula hi Bibebe; yi ngari ya ntivo-vukhongereri, yi ngari ya muprista. U tile tani hi Muprofeta, nakona lava va nga va Yena N'winyi a va N'wi amukelanga.

170 Sweswi, loko Xikwembu xi nga hlayisa Rito ra Xona, nakona loko swi nga humelela ndzi. . . swi humelela ri wela eka un'wana loyi ndzi n'wi tivaka, kutani ndzi—ndzi ta kuma un'wanyana. Wa vona, ndzi lava un'wana loyi ndzi nga n'wi tiviki. Nakona ndzi mi lava mi khongela.

171 Sweswi, langutani, ku tshame kuva na wansati un'wana lontsongo nkarhi wun'wana loyi a ri na vulema. A tirhisile mali ya yena eka vadokodela; va nga n'wi pfuni ha nchumu. Kutani a ku embilwini ya yena, “Loko ndzi nga khumbha tinguvu ta Wanuna ya loye, ndzi ta horisiwa.” Ma xi tsundzuka xitorhi? Kutani hinkwavo ka vona varingete ku n'wi tlherisa, kambe amanyukuta ku fikela laha a khumbhaka nguvu ya Yena, a tlhelela endzhaku a ya tshama ehansi.

172 Sweswi yingiselani hi vurhon'wana. Kutani loko A swi endlile sweswo, loko wansati a tava a swi endlile sweswo, Yesu u hundzulukile a ku, “I mani loyi a Ndzi khumbheke?”

173 Hikokwalaho ka yini, Petro wa muapostala u N'wi tshinyile. A nga hava a vule swin'wana swo kotisa leswi, “Hosi, u nga vuli nchumu wo kotisa walowo. Vanhu va ta pfumela leswaku kuna swin'wana swi nga hoxeka hi Wena. Hikuva, loko U tava u va komberile ku dya nyama ya Wena niku nwa Ngati ya Wena, a va ehleketa leswaku ku na swin'wana swi nga hoxeka. Nakona U ri, ‘I mani a nga Ndzi khumbha?’ Hikokwalaho ka yini, ntshungu hinkwavo wu le ku Ku khumbheni.”

174 A ku, “Ina, kambe Ndzi twisisa leswaku matimba ya sukile eka Mina.” Kwalaho a kuri ku khumbha kun'wana ko hambana. Sweswi, un'wana na un'wana wa switiva leswaku *matimba* i “ntamu.” “Ndza tsana; matimba ya sukile eka Mina.”

Kutani U langutile hinkwako eka vayingiseri kufikela laha A kumaka wansati lontsongo, kutani a n'wi byela hi vuvabyi bya swintlhandla. Nakona u titwe emirini wa yena vuvabyi byebyo bya swintlhandla byi sukile. A hi swona xana? Hiloko A ku, “Ripfumelo ra wena ri ku hanyisile.”

Sweswi, rito ra Xigriki lahaya i sozo, laha hiku hetiseka ri vulaka “ku ponisiwa,” exinyameni nale ximoyeni, ntsena ku fana. U “ponisile.” Hi Yena—hi Yena Muponisi wa n'wina.

175 Sweswi, loko yaloye a ri Yena tolo, na hi ndlela leyi A nga endlisa xiswona, ku khorwisa leswaku A ri exikarhi ka vanhu, xitshembhiso xa Mesiya; nakona ya leyo hi yona ndlela leyi A ti tivisaka xiswona hi Yexe, niku tshembhisa hi Biblele, U ta endla swo fana sweswi; xana a hi Yena, a hi Yena a fanelaka ku endla swo fana xana?

176 Mi ri, “Xana U vurile hi ku hanyisa vavabyi?” Ina!

Vaheveru, Biblele leyi ntsena ndzi nga yi hlava kona, yi vula leswaku, “Yesu Krete sweswi hi yena Muprista Lonkulu loyi a nga khumbhiwaka hi vutitwi bya vugono

bya hina.” I vangani lava va switivaka leswaku i ntiyiso walowo? [Nhlengeletano yi ku, “Amen.”—Muhleri.] Bibeledi yi vula sweswo. “Hi Yena Muprista Lonkulu loyi sweswi a nga khumbhiwaka hi vutitwi bya vugono bya hina.” Kutani loko A ha ri Muprista Lonkulu ya luya A ri kona, A ngava na maendlelo wahi sweswi? U ta fanele kuva na maendlelo ya n’we ni lawa A nga ma endla ekusunguleni, loko A ha ri Muprista Lonkulu ya luya. Sweswi, mi nga hava. . .

Mina a ndzi Muprista wa n’wina Lonkulu. Mi nga ha ndzi khumbha, swi ta fana ni loko u khumbha nuna wa wena, kumbe makwenu wa wena wa xinuna, kumbe un’wana, munhu.

<sup>177</sup> Kambe u pfumelela ripfumelo ra wena ri N’wi khumbha, kutani u vona leswaku ku humelela yini. Sweswi, loko ndzi ngava ndzi ri nandza wa Xikwembu nakona ndzi mi byerile Ntiyiso, Xikwembu xi ta swi tiyisa sweswo leswaku swi wa Ntiyiso. Nakona sweswo swi ta khorwisa leswaku Yesu Kreste wa hanya vsuku lebyi, u yimile kwalahawani. A hi swona xana? [Nhlengeletano yi ku “Amen.”—Muhleri.]

Sweswi, mi va na ripfumelo, ntsena tlhelo rin’we hi nkarhi wun’we, tlhelo rin’we. Mi va na ripfumelo kwalaho. Swi nga antswa ndzi yima kwala eka mayikhrofoni kwalahawani, hikuva a ve nge ndzi twi.

<sup>178</sup> Un’wana ntsena alangutisi ehenhla eka Xikwembu, a ku, “Xikwembu, munhu loyi a nga ndzi tivi. A nga tivi nchumu ha mina. Ndzi muluveri loyi a hetisekeke eka yena. Kambe pfumelela ripfumelo ra mina ri Ku khumbha, Hosi. Nakona Wa swi tiva leswaku ku humelela yini hi mina, Hosi. U tiva hinkwaswo ha mina. U tiva hinkwaswo ha mina. Wa ndzi tiva leswaku ndzi mani, ku fana ni loko U tivile Petro leswaku a ri mani, kufana ni loko U tivile Nathanael, tani hilaha U nga tiva hakona leswi swi nga hoxeka hi wansati loyi a ri na vuvabyi bya swintlhandla. Kutani wanuna loyi u ndzi byela leswaku Wena ‘wa ha ri yena wa tolo, namuntlha, ni hilaha ku nga heriki.’ Kutani, Hosi, pfumelela ripfumelo ra mina ri Ku khumbha.”

Kutani loko A nga swi endla sweswo, nakona a ti khorwisa hi Yexe hi leswi swi nga riki vunwa lahawani, i vangani va n’wina mi nga ta N’wi pfumela hi timbilu ta n’wina hinkwato; loko A nga endlela ntsena un’we, kumbe vambirhi, kumbe vanhu vanharhu, tani hi—tani hi mbhoni? [Nhlengeletano yi ku, “Amen.”—Muhleri.] Xikwembu a xi mi katekisi.

<sup>179</sup> Sweswi, Tatana Xikwembu, leswi hakunene a swi humi emavokweni ya munhu un’wana na un’wana. Xi fanele xi va xi endlekalo lexi xi nga riki xa ntumbuluko. Swingaleswi ndza khongela leswaku U ta ndzi pfuna sweswi, Hosi. Ndzi le mavokweni ya Wena. Endla na mina leswi U vonaka swi ringanerile. Hi Vito ra Yesu. Amen.

<sup>180</sup> Sweswi, mi nga chavi. Ntsena titsongahateni, hi ku xixima mi ku, “Hosi, ndzi ta Ku tirhela. Nakona walowo wu tava wuri ntiyiso, leswaku, loko ndzi nga khumbha nguvu ya Wena, nakona U vulavula u tlherisela hi wanuna ya loye. Sweswo swi ta ndzi khorwisa leswaku leswi a nga swivula i Ntiyiso.” A hi swona sweswo?

<sup>181</sup> I vangani va nga tshama va vona xifaniso xa Layiti liya? Xi kumeka tiko hinkwaro, hinkwako. Sayense yi xi tekile yi ya xikambela, nakona hinkwako. Sweswi, U kona kwala sweswi; ya luya Un’we a nga tshama a vula hi *Vukati Ni Ku Thalana*, ya luya Un’we loyi a ri entshaveni, a nga ninginisa swiganga endzhaku lahaya, ya luya Un’we loyi a ri ehansi lahaya nambyeni hi ’33, loyi a nga yena wa tolo, namuntlha, ni hilaha ku nga heriki. Wa ha fana.

<sup>182</sup> Sweswi, ku na wansati, nakona wa swi lemuka sweswi leswaku swin’wana swi humelerile. Layiti ya liya yi le ku nemeleleni ehenhla ka yena. U tshamile *lahawani*, a nga ambala xiambalo xa rihlaza, kumbe swin’wana. A ndzi n’wi tivi wansati. Ndzi pfumela leswaku a hi tivani. Hi swona sweswo. Wa pfumela leswaku Xikwembu... U le—u le ku laveni ka swin’wana, nakona wa pfumela leswaku Xikwembu xi nga ndzi paluxela leswi swi ku karhataka xana? Nakona loko Xi nga swi endla, kutani u switiva leswaku i matimba lawa ya ngariki ya ntumbuluko, hikuva a ndzi ku tivi. Nakona swi ta fanela ku ta hi leswi nga ehandle ka ntumbuluko.

Swi ya na kuya hi ku wena u ehleketa yini. U nga ha yima na vaprasta, u swi vula “javulosi,” kumbe u nga ha yima na mupfumeri kutani u swi vitana “Xikwembu.” Leswi u pfumelaka eka swona, hilaha ku vuyeriwa ka wena ku nga ta ta ku huma kona.

<sup>183</sup> Loko Xikwembu xi ta ndzi paluxela leswi swi ku karhataka, xana u ta Xi amukela tani hi murhi wo tshungula ku—ku xaniseka ka wena xana? A ndzi swi tivi leswaku u xanisa hi yini. Kambe ndza switiva, nakona wa switiva, leswaku swin’wana swi ya emahlweni.

<sup>184</sup> Sweswi, ntsena sweswi u nge ndzi ku byela leswi u titwisika xiswona, kutani u ta swi tiva; hi ku kufumela ka kahle, ko nandzika, matitwele yo chavelela. Ndzi langutanile ni ku kongomana na Rona. I Layiti ya liya, Layiti ya ritshopi leyi yi nemelelaka eka wansati.

Nakona manana u xanisiwa hi le khwirini. I maendlelo ya “growths,” tani hi sweswo, ekhwirini ra yena. A nga humi kona lahawani. [Sesi a ku, “Hi swona.”—Muhleri.] Ee. U huma ekule na lahawani a wu tano xana? Hi swona sweswo. U huma a Wisconsin. A hi swona sweswo xana? Hakunene. Sweswi u hanyisiwile. Ripfumelo ra wena ri ku hanyisile.

<sup>185</sup> Sweswi ndzi byeleni leswaku i Mani loyi a nga khumbha hi wansati? Ndzi na makume ntlhanu wa mpfhuka kusuka eka yena. U khumbhile Yesu Kreste, a nga Muprista Lonkulu. Ma swi pfumela sweswo xana? [Nhlengeletano yi ku, “Amen.”—Muhleri.]

<sup>186</sup> Ndzi langute eka wansati loyi ndzi vulavulaka na yena. Wansati loyi, ndzi n’wi langutile, hikuva u le ku khongeleleni swinene ka wanuna. U ndzi byele leswaku u na wanuna . . . A nga kalanga a ndzi byela nchumu ha swona.

Kambe vito ra yena i Manana Waldrop. U huma a Phoenix. U pfuxiwe ekufeni, kutani dokodela wa yena u te na ti “x-rays” a ta kombisa mfukuzani embilwini ya yena. U fele elayinini yo khongelela vavabyi. Swi humelerile rini sweswo, Manana Waldrop? Malembe ya khume nhungu lawa ya nga hundza, kutani vusiku lebyi hi loyi u kona u tshamile, vumbhoni lebyi byi hanyaka. Dokodela wa yena u tile a hlengeletanwini, u tise . . . A ku, “Xana wansati a nga hanyisa ku yini?” Kambe hi luya lahaya, nakona a ka ha ri na xikombiso xa byona.

<sup>187</sup> U tisile un’wana, nakona u le ku n’wi khongeleleni. Sweswi, u le ku feni, hi vuvabyi bya chukela. Sweswi, hi leswi ndzi swi tivaka. Kambe hikuva u ri eku khongeleni. . . Wa switiva leswaku a ndzi switivi leswaku i mani, Manana Waldrop.

<sup>188</sup> U huma a Missouri, nakona vito ra yena i Nkul. Cooper. Hi swona sweswo. Sweswi, wa pfumela, u nga ha tlhelela ekaya u hanyile, nkulukumba. Swi le ka wena, loko u nga swi pfumela.

<sup>189</sup> Hi loyi wansati lahawani, nakona u xaniseka hi xiyimo xa “asthma,” a switwisiseki. A nga humi kona lahawani. U tshamile lahaya a tshungwini, kona *kwalahaya*. Ndzi pfumela leswaku u kuma . . . A nga humi kona lahawani. U huma eGeorgia. Miss McKenney. Wa pfumela hi mbilu ya wena hinkwayo, nakona wa pfumela leswaku Xikwembu xi nga ku hanyisa xana? Yima hi milenge ya wena, loko hi nga tivani nakona ku ri ntiyiso. Yesu Kreste u ku hanyisile. Wa pfumela xana?

[Makwerhu Branham u fularhele nhlengeletano—Muhleri.]

<sup>190</sup> Endzhaku ka mina, ku na wanuna loyi a nga tshama endzhaku ka mina. U le ku tihlanganiseni na Xikwembu. Nakona leswi a nga eku swi laveni; u na n’wana loyi a nga na vuvabyi bya mbilu. Nakona n’wana ya loye u na mpfumawulo embilwini ya yena, swingaleswi dokodela u teri. Nakona vito ra wanuna ya loye i Nkul. Cox. Yima, Nkul. Cox. “Nakona Xi byerile Sarah leswi a ri eku swi ehleketeni, endzhaku ka Xona.”

[Makwerhu Branham a ya emahlweni niku fularhela nhlengeletano—Muhleri.]

<sup>191</sup> Ku tsemekanya exikarhi kusuka eka yena, endzhaku nyana, ku na wanuna loyi a nga humiki lahawani, kambe u huma a New Mexico. A ndzi se tshama ndzi n’wi vona,

evuton'wini bya mina. Ndzi n'wi langutile sweswi, nakona u le ndzhaku ka mina. U huma a New Mexico. Nakona wanuna loyi u na ntombhi leyi a yi tsakelaka, nakona ntombhi leyi yi na swin'wana swi nga hoxeka hi nomo wa yena. I...Ku va na dzovo ro tsindziyela enon'weni wa yena hi leswi swi nga hoxeka. Nakona vito ra wanuna loyi i Nkul. West. U nga tlakuka u yima, nkulukumba. Ndzi muluveri hi ku hetiseka eka yena, kambe Hosi Xikwembu xi ta horisa n'wana wa yena.

<sup>192</sup> Xana ma pfumela sweswi hi timbilu ta n'wina hinkwato xana? [Nhlengeletano yi ku, "Amen."—Muhleri.] I vangani va n'wina sweswi mi pfumelaka hi timbilu ta n'wina hinkwato? ["Amen."] Sweswi, a hi yena Yesu Kreste wa tolo, namuntlha, ni hilaha ku nga heriki? ["Amen."] Ma N'wi amukela sweswi tani hi Muponisi wa n'wina? Yimisani mavoko ya n'wina. ["Amen."] Ma pfumela eka Yena tani hi Muhanyisi wa n'wina xana? ["Amen."]

<sup>193</sup> Lahawani, hi loyi munhu a nga tshama lahawani, a nga limala kumbe swin'wana, a nga pavalala esangwini.

Xana wa ndzi twa hi "mike" leyi xana? [Makwerhu Branham a teka mayikhrofoni a famba ku tshunelela emakun'wini ya platifomo a vulavula na wansati loyi a nga esangwini—Muhleri.] A ndzi ku tivi. Wo va ntsena wansati loyi a nga tipavalalela lahaya. Loko ndzi nga ku hanyisa, ndzi nga swi endla. Ndzi ngaka ndzi nga ku hanyisi.

[Wanuna a sungula ku rila—Muhleri.] Hi swona. Kova ntsena wanuna loyi a titsakelaka. N'wana wa yena u hanyisiwile.

A ndzi ku tivi. U wansati, nakona mina ndzi wanuna. Lowu i nkarhi wo sungula hi nga hlangana evuton'wini, ndzi fanele. Vanhu lava...?...lava va nga ku tisa. Hakunene-nene, i ro sungula u va lahawani; ntsena va ku nghanisile. U huma ekule. U na ndzhuti wa rifu. U na mfukuzani. A hi vulema. I mfukuzani. Madokodela ma ngaka ma nga ha ku endleli nchumu. I ntiyiso. Nakona u na ntiyiso wa leswaku wa fa; madokodela lawa a me nge he ku pfuni ha nchumu.

<sup>194</sup> Nkarhi wun'wana a kuri na va nhlokonho vanharhu va tshamile enyangweni wa Samariya. Hiloko va nhlokonho lava va ku, "Hikokwalaho ka yini hi tshama lahawani ku kondza hi fa xana?" Hikuva, hinkwabyo vuvabyi, byi hi xanisela ku fa, niku dya n'wana wa un'wana. Va ku, "Loko hi rhelela ehansi enkampeni wa nala, ku nga Vasiriya; loko va nga hi dlaya, hi ta fa, hi ndlela yin'wana. Kutani loko va hi ponisa, hi ta hanya." Nakona va tekile chansi ya leyo. Kutani, hi ripfumelo lero, a va tiponisanga vona ntsena kambe va ponisile ntlawa hinkwawo.

<sup>195</sup> Sweswi, u ya ekufeni loko u pavalala kwalaho. Kambe a wu kombelanga ku ya enkampeni wa nala. Kambe u rhambiwele endlwini ya Tatana,...?...




<sup>196</sup> U le ku feni hi mfukuzani. A wu nge swikoti ku hanya handle ka Xikwembu. A wu humi kona edorobeni leri. A wu humi kona akusuhani lahawani. U huma ekule. U huma eMilwaukee. I ntiyiso walowo. Hi swona sweswo. Ndzi vone doroba. Ndza ri tiva. Hi swona sweswo.

Wa pfumela xana? U ta xi amukela Xikwembu sweswi tani hi Muhanyisi wa wena xana? Loko hi leswaku u ta swi endla, a swi na mhaka ni leswaku u tsanise ku yini, hambu leswi u tshamaka u etlele, ndza pfumela, eka mhaka ya wena, ndzi ta pfuka hi Vito ra Yesu Krete. Kutani ndzi teka sangu lero ndzi ya ekaya, kutani ndzi ya hanyela ku kwetsima ka Xikwembu. Xana u ta ndzi yingisa, tani hi muprofeta wa Xikwembu xana? Kutani pfuka u famba. U hanyile! U nga ha chavi. Pfuka esangwini; Xikwembu xi ta ku hanyisa. Wa vona?

<sup>197</sup> Un'wana a n'wi khomi leswaku a ta kota ku pfuka niku kuma ntamu. Wa xi pfumela Xikwembu xana? Ntsena n'wi pfumeleleni a kuma nyana matimba; u tava kahle. Sweswo hi swona, sesi. Hi luya lahaya, hi Vito ra Hosi Yesu! [Nhlengeletano yi tsaka loko sesi a ha yima—Muhleri.]

A hi yimeni hi dzunisa Xikwembu. Hi Xona xa tolo, namuntlha, ni hilaha ku nga heriki! [Nhlengeletano yi le ku tsakeni yi tlhela yi dzunisa Xikwembu hi matimba—Muhleri.]

Fambani, kutani Hosi Yesu Krete a mi katekisi. [Nhlengeletano yi ya emahlweni niku tsaka niku dzunisa Xikwembu hi matimba—Muhleri.] 

*XANA I MANI MELKISEDEK LOYI?* TSO65-0221E

(Who Is This Melchisedec?)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni madyambu, Nyenyenyani 21, 1965, eParkview Junior High School eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Xitiviso Xa Mpfumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangelu ya Yesu Krete. Buku leyi a yi xavisiwi, yi humesiwa hi xikalo lexikulu, yi vakeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberwa ku ti hlanganisa na:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)